

本州綱目

十九之廿一

水草類  
石草類  
苔類

漢書門類			
二	一	二	三
八	八	八	八
九	九	九	九
函	函	函	函
架	架	架	架
冊	冊	冊	冊
三	三	三	三
七	七	七	七

內閣文庫			
三	二	二	漢
函	八	八	書
一	八	八	
六	九	九	
架	函	函	
冊	架	架	
三	冊	冊	
七	冊	冊	
六	冊	冊	

內閣文庫			
番號	漢	11889	
冊數	37 ( 19 )		
函號	304	300	

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM, Kodak









本草綱目草部目錄第十九

草之八 水草類二十二種

淺草文庫

澤瀉 本經酸 惡附

蘼草 唐本

羊蹄 本經

酸模 日華 牛舌 麝舌 蛇舌 附

龍舌草 綱目

菖蒲 本經

白苣 別錄

香蒲蒲黃 本經

菰 別錄

水萍 本經

蘋 吳普

萍蓬草 拾遺

水粟 卽

荅 唐本

尊 別錄

水藻 綱目



海藻 本經

海蘊 拾遺

海帶 嘉祐

昆布 別錄

越王餘算





遺拾

石帆 日華

水松 綱目

本草綱目草部第十九卷

草之八 水草類二十二種

澤瀉 本經上品

釋名 水瀉 經 鵠瀉 本經 及瀉 別錄 滌 音 芒芋 別錄 禹孫 日珍

去水曰瀉如澤水之瀉也禹能治水故曰禹孫餘未詳

集解 別錄曰澤瀉生汝南池澤五月采葉八月采根九月采實陰乾弘景曰汝南郡屬豫州今

近道亦有不堪用惟用漢中南鄭青州代州者形大而長尾間必有兩岐為好此物易朽蠹常須密藏之叢生淺水中葉狹而長恭曰今汝南不復采惟以涇州華州者為善頌曰今山東河陝江淮亦有之漢中者為佳春生苗多在淺水中葉似半云獨莖而長秋時開白花作叢似穀精草秋末采根



乾暴

根修治

歌曰不計多少細剉酒浸一宿取出暴乾任用

氣味甘寒無毒

別錄曰鹹權曰苦元素曰甘平泥而降陰也果曰其鹹寒降陰也好

古曰陰中微陽入足太陽少陰經扁鵲曰多服病人眼之才曰畏海蛤文蛤

主治風寒

濕痺乳難養五臟益氣力肥健消水久服耳目聰

明不饑延年輕身面生光能行水上

本經

補虛損五

臟痞滿起陰氣止洩精消渴淋瀝逐膀胱三臑停

水別錄主腎虛精自出治五淋宣通水道

既權

主頭旋

耳虛鳴筋骨懈通小腸止尿血主難產補女人

血海令人有子

大入

腎經去舊水養新水利小便

消腫脹滲洩止渴

元素

去脾中留垢心下水痞

李杲

濕熱行痰飲止嘔吐瀉痢疝痛脚氣

時珍

發明

頌曰素問治酒風身熱汗出用澤瀉木深師方治支飲亦用澤瀉木但煮法小別爾張仲

景治雜病心下有支飲苦胃有澤瀉湯治傷寒有大小澤瀉湯五苓散輩皆用澤瀉行利停水為最

要藥元素曰澤瀉乃除濕之聖藥入腎經治小便淋瀝去陰間汗無此疾服之令人目盲宗奭曰澤

瀉之功長於行水張仲景治水蓄渴煩小便不利或吐或瀉五苓散主之方用澤瀉故知其長於行

水本草引扁鵲云多服病人眼誠為行去其水也凡服澤瀉散人未有不小便多者小便既多腎氣

焉得復實今人止洩精多不敢用之神景八味丸用之者亦不過引接桂附等歸就腎經別無他意



好古曰本經云久服明目扁鵲云多服昏目何也  
易老云去胛中留垢以其味鹹能瀉伏水故也瀉  
伏水去留垢故明目小便利腎氣虛故昏目王履  
曰寇宗奭之說王好古躺之切謂八味丸以地黃  
為君餘藥佐之非止補血兼補氣也所謂陽旺則  
能生陰血也地黃山茱萸茯苓丹皮皆腎經之  
藥附子官桂乃右腎命門之藥皆不待澤瀉之接  
引而后至也則八味丸之用此蓋取其瀉腎邪養  
五臟益氣力起陰氣補虛損五勞之功而已雖能  
瀉腎從于諸補藥群衆之中則亦不能瀉矣時珍  
曰澤瀉氣平味甘而淡淡能滲洩氣味俱薄所以  
利水而洩下脾胃有濕熱則頭重而目昏耳鳴澤  
瀉滲去其溼則熱亦隨去而土氣得令清氣上行  
天氣明爽故澤瀉有養五臟益氣力治頭旋聰明  
耳目之功若久服則降令太過清氣不升真陰潛  
耗安得不目昏耶仲景地黃丸用茯苓澤瀉者乃  
取其瀉膀胱之邪氣非引接也古人用補藥必兼  
瀉邪邪去則補藥得力一關一圍此乃玄妙后世

不知此理專一手補所以  
久服必致偏勝之害也

**正誤**

弘景曰仙經服食斷穀皆用之亦云身輕能  
步行水上頌曰仙方亦單服澤瀉一物擣篩

取末水調日分服六兩百日體輕而健行時珍曰  
神農書列澤瀉于上品復云久服輕身面生光能  
行水上與術云澤瀉久服令人身輕日行五百里  
走水上一名澤芝陶蘇皆以為信然愚切疑之澤  
瀉行水瀉腎久服且不可又  
安有此神功耶其謬可知

**附方**

酒風汗出 方見糜  
新舊五 銜下

**水濕腫脹**

白木澤瀉各一兩為末或為丸  
每服三錢茯苓湯下 保命集

**胃暑霍亂**

小便不利頭暈引飲三白散用澤瀉白  
木白茯苓各三錢水一盞薑五片燈心

十莖煎八  
分温服



支飲苦胃

仲景澤瀉湯用澤瀉五兩白朮二兩水二升煮二物取一升又以水一升煮澤瀉取五合二汁分再服病甚欲眩者服之必瘥

腎臟風瘡

澤瀉皂莢水煮爛焙研煉蜜丸如梧子大空心温酒下十五丸至二十九丸經

瘡後怪症

口鼻中氣出盤旋不散凝如黑蓋色過十日漸至肩與肉相連堅勝金石無由飲食煎澤瀉湯日飲三盞連服五日愈 夏子益奇疾方

葉氣味鹹平無毒主治大風乳汁不出產難強陰

氣久服輕身別錄壯水臟通血脉大明

實氣味甘平無毒主治風痺消渴益腎氣強陰補

不足除邪溼久服面生光令人無子

別錄

發明

時珍曰別錄言澤瀉葉及實強陰氣久服令人無子而日華子言澤瀉催生補女人血海

能催生何以令人有子蓋澤瀉同補藥能逐下焦濕熱邪垢邪氣既去陰強海淨謂之有子可也若久服則腎氣大洩血海及寒謂之無子可也所以讀書不可執一

附錄酸惡

別錄有名未用曰主惡瘡去白虫生水旁狀如澤瀉

解草

唐本

釋名解菜

恭 解榮

集解

恭曰解菜所在有之生水旁葉似澤瀉而小花青白色亦堪蒸啖江南人用蒸魚食甚美



五六月采  
莖暴乾用

氣味甘寒無毒主治暴熱喘息小兒丹腫恭

羊蹄本經  
下品

釋名蓄經 秃菜弘 敗毒菜綱 牛舌菜同 羊蹄大黃

庚辛 玉冊 鬼目本經 東方宿同 連蟲陸同 水黃芹俗 子名

金蕎麥弘景曰今人呼為秃菜即蓄字音訛也時珍曰羊蹄以根名牛舌以葉形名秃菜以

治秃瘡名也詩小雅云言采其遂陸機注云遂即蓄字今之羊蹄也幽州人謂之遂根侶長蘆服而

莖赤亦可淪為茹滑美鄭樵通志指遂為爾雅之菲及蕒者誤矣金蕎麥以相似名

集解別錄曰羊蹄生陳留川澤保昇曰所在有之生下濕地春生苗高者三四尺葉狹長頗侶

蒿苳而色深莖節間紫赤開青白花成穗結子二稜夏中即枯根侶牛蒡而堅實宗奭曰葉如菜中

波稜但無岐而色差青白葉厚花與子亦相侶葉可潔擦礪石子名金蕎麥燒煉家用以制鉛汞時

珍曰近水及濕地極多葉長尺餘侶牛舌之形不侶波稜入夏起莖開花結子花葉一色夏至即枯

秋深即生凌冬不死根長近尺赤黃色如大黃胡蘿蔔形

根氣味苦寒無毒恭曰辛苦有小毒時珍曰能制三黃砒石丹砂水銀

主治頭秃疥癩除熱女子陰蝕本經 浸淫疽痔殺蟲

別錄瘡蠱毒恭 治癰殺一切蟲醋磨貼腫毒大 搗汁

二三匙入水半盞煎之空腹温服治產後風秘殊

驗宗



**發明** 震亨曰羊蹄根屬水走血分頌曰新采者磨醋塗癬速効亦煎作丸服采根不限多少搗

絞汁一大升白蜜半升同熬如稠錫更用防風末六兩搜和令可丸丸如梧子大用栝樓甘草煎酒下三二十九丸日二三服

**附方** 新舊六 **大便卒結** 羊蹄根一兩水一大盞煎六分溫服 聖惠方

**腸風下血** 敗毒菜根洗切用連皮老薑各半盞同炒赤以無灰酒淬之盞蓋少頃去滓任意飲

求類方

**喉痺不語** 羊蹄獨根者勿見風日及婦人雞犬以三年醋研如泥生布拭喉外令赤塗之

金方

**面上紫塊** 如錢大或滿面俱有野大黃四兩取汁穿山甲十片燒存性川椒末五錢生薑

四兩取汁和所生絹色擦如乾入醋潤濕數次如初累効 陸氏積德堂方

**癰瘍風駁** 羊蹄草根于生鐵上磨好醋旋旋刮塗硫黃少許更妙日日用之 聖惠

**汗斑癩風** 羊蹄根二兩獨科掃帚頭一兩枯礬五錢輕粉一錢生薑半兩同杵如泥以湯

澡浴用手抓患處起粗皮以布包藥著力擦之暖卧取汗即愈也乃益山劉氏方此用硫黃者更妙

蘭氏經驗方

**頭風白屑** 羊蹄草根杵同羊膽汁塗之未除 聖惠方

**頭上白禿** 獨根羊蹄勿見婦女雞犬風日以陳醋研如泥生布擦赤傳之日一次 肘後

**癬久不瘥** 簡要濟衆方用羊蹄根杵絞汁入輕粉少許和如膏塗之三五次即愈○求類

方治癬經年者敗毒菜根獨生者即羊蹄根搗三錢入川百藥煎二錢白梅肉搗勻以井華水一盞



濾汁澄清天明空心服之不宜食熱物其滓搗破  
擦之三次即愈○千金方治細癬用羊蹄根五升  
桑柴灰煮四五沸取汁洗之  
仍以羊蹄汁和礬末塗之

漏瘡濕癬浸溼日廣痒不可忍愈後復發出黃水  
羊蹄根搗和大醋洗淨塗上一時以冷

水洗之  
日一次

疥瘡有虫羊蹄根搗和豬脂入鹽少許日塗之外臺秘要

葉氣味甘滑寒無毒

主治小兒疳虫殺胡夷魚鮭魚檀胡魚毒作菜多

食滑大腑大明時珍曰胡夷鮭魚皆河豚名檀胡未詳作菜止痒不宜

多食令人下氣說連根爛蒸一盞食治腸痔瀉血

甚効時珍

附方舊縣瘧舌腫因生息肉羊蹄草煮汁熟含冷即吐之聖惠

實氣味苦滑平無毒主治赤白襍痢恭婦人血氣

時珍

酸模日華

釋名山羊蹄綱山大黃拾遺養蕪爾雅酸母綱蓀同當

藥時珍曰養蕪乃酸模之音轉酸模又酸母之轉皆以味而名與三葉酸母草同名掌禹錫以養

蕪為蔓菁菜誤矣

集解弘景曰一種極侶羊蹄而味醋呼為酸模亦療疥也大明曰所在有之生山岡上狀似羊



蹄葉而小黃莖葉俱細節間生子若荒蔚子藏器曰即是山大黃一名當藥其葉酸美人亦采食其英爾雅須萎蕪郭璞注云侶羊蹄而稍細味酸可食一名蔞也時珍曰平地亦有根葉花形並同羊蹄但葉小味酸為異其根赤黃色連根葉取汁煉霜可制雄永

氣味酸寒無毒時珍曰葉酸根微苦

主治暴熱腹脹生擣汁服當下利殺皮膚小蟲藏器

治疥弘景療痢乃佳保昇去汗斑同紫萍搗擦數日即

沒時珍

附方新瘰癧毒瘡肉中忽生黯子如粟豆大者如梅李或赤或黑或青或白其中

有核核有深根應心腫泡紫黑色能爛筋骨毒入臟腑殺人宜灸豎上日壯以酸模葉薄其四面防

其長也內服葵根汁其毒自愈千金方

附錄牛舌實別錄有名未用口味鹹温無毒主輕身益氣生水中澤旁大葉長尺五月

采實一名豕首器曰今東土人呼田水中大葉如牛耳者為牛耳菜時珍曰今人呼羊蹄為牛舌菜

恐羊蹄是根此是其實否別錄曰味辛微温則是羊蹄之生水中者也膚舌無毒主霍亂腹痛

吐逆心煩生水中五月采之弘景曰生小小水中今人五月五日采乾以治霍亂甚良

龍舌草綱目

集解時珍曰龍舌生南方池澤湖泊中葉如大葉

根似胡蘿蔔根而香杵汁能更鷺鴨卵方家用煮丹砂煨白礬制

氣味其鹹寒無毒王治瘰癧疽湯火灼傷擣塗之時珍



本草綱目卷之九  
附方新乳癰腫毒龍舌草忍冬藤研爛蜜和傳之多能鄙事

菖蒲本經上品

釋名昌陽別錄堯韭普水劍草時珍曰菖蒲乃蒲類之昌盛者故曰菖蒲

又呂氏春秋云冬至後五十七日菖始生菖者百草之先生者於是始耕則菖蒲昌陽又取此義也典術云堯時天降精于庭為韭感百陰之氣為菖蒲故曰堯韭方士隱為水劍因葉形也

集解別錄曰菖蒲生上洛池澤及蜀郡嚴道一寸九節者良露根不可用五月十二月采根陰

乾弘景曰上洛郡蜀梁州嚴道縣在蜀郡今乃處處有生石磧上概節為好在下溼地大根者名昌陽不堪服食真菖蒲葉有脊一如劍刃四月五月亦作小釐花也東間溪澤又有名溪蓀者根形氣色極似石上菖蒲而葉正如蒲無脊俗人多呼此為石上菖蒲者謬矣此止主欬逆斷蚤虱不入服

食用詩詠多云蘭蓀芷謂此也大明曰菖蒲石澗所生堅小一寸九節者上出宣州二月八月采

曰處處有之而池州戎州者佳春生青葉長一二尺許其葉中心有脊狀如劍無花實今以五月五日收之其根盤屈有節狀如馬鞭大一根旁引三四根旁根節尤密亦有一寸十二節者采之初虛軟曝乾方堅實折之中心色微赤嚼之辛香少滓人多植於乾燥沙石土中臘月移之尤易活黔蜀蠻人常將隨行以治卒患心痛其生蠻谷中者尤佳人家移種者亦堪用但乾後辛香堅實不及蠻人持來者此皆醫方所用石菖蒲也又有水菖蒲生溪澗水澤中不堪入藥今藥肆所貨多以二種相雜尤難辨也承曰今陽羨山中生水石間者其葉逆水而生根鬚絡石畧無少泥土根葉極緊細一寸不啻九節入藥極佳二浙人家以瓦石器種之旦暮易水則茂水濁及有泥滓則萎近方多用石菖蒲必此類也其池澤所生肥大節疎粗慢恐不可入藥唯可作果盤氣味不烈而和淡爾時珍

本草綱目卷之九

希云六言七五



本草綱目卷之九  
曰菖蒲凡五種生於池澤蒲葉肥根高二三尺者泥菖蒲白菖也生於溪澗蒲葉瘦根高二三尺者水菖蒲溪蓀也生於水石之間葉有劍脊瘦根密節高尺餘者石菖蒲也人家以砂栽之一年至春剪洗愈剪愈細高四五寸葉如韭根如匙柄粗者亦石菖蒲也甚則根長二三寸葉長寸許謂之錢蒲是矣服食入藥須用二種石菖蒲餘皆不堪此草新舊相代四時常青羅浮山記言山中菖蒲一寸二十節抱朴子言服食以一寸九節紫花者尤善蘇頌言無花實然今菖蒲二三月間抽莖開細黃花成穗而昔人言菖蒲難得見花非無花也應劭風俗通云菖蒲放花人得食之長年是矣

**根修治**

敷曰凡使勿用泥菖夏菖二件如竹根鞭形黑氣穢味腥惟石上生者根條嫩黃紫

硬節稠一寸九節者是真也采得以錫刀割去黃黑硬節皮一重以嫩桑枝條相拌蒸熟暴乾剉用時珍曰服食須如上法制

若常用但去毛微炒耳

**氣味辛溫無毒**

釋曰苦辛平之才曰秦皮秦艽

羊肉勿犯鐵器令人吐逆

**主治風寒濕痺欬逆上氣開心孔補**

**五臟通九竅明耳目出音聲主耳聾癰瘡溫腸胃**

**止小便利久服輕身不忘不迷惑延年益心智高**

**志不老**經本**四肢濕痺不得屈伸小兒溫瘡身積熱**

**不解可作浴湯**別錄**治耳鳴頭風淚下鬼氣殺諸蟲**

**惡瘡疥癩**甄權**除風下氣丈夫水臧女人血海冷敗**

**多忘除煩悶止心腹痛霍亂轉筋及耳痛者作末**

**炒乘熱裹罾甚驗**大明**心積伏梁**好古**治中惡卒死客**



忤癩癩下血崩中安胎漏散癰腫擣汁服解巴豆

大戟毒時珍

發明頌曰古方有單服菖蒲法蜀人治心服冷氣

亦將隨行卒患心痛嚼一二寸槌碎同吳茱萸煎湯飲之

效時珍曰國初周顛仙對太祖高皇帝常嚼菖蒲飲水問其故云服之無腹痛之疾

高皇御製碑中載之菖蒲氣溫味辛乃平少陰足厥陰之藥心氣不足者用之虛則補其母也肝苦急

以辛補之是矣道藏經有菖蒲傳一卷其語粗陋今畧節其要云菖蒲者水草之精英神仙之靈藥

也其法采紫小似魚鱗者一斤以水及米泔浸各一宿刮去皮切暴乾擣篩以糯米粥和勻更入熱

蜜搜和凡如梧子大稀葛袋盛置當風處令乾每旦酒飲任下三十九臨卧更服三十九服至一月

消食二月痰除服至五年骨髓充顏色澤白髮黑落齒更生其藥以五德配五行葉青花赤節白心

黃根黑能治一切諸風手足頑痺癱緩不遂五勞七傷填血補腦堅骨髓長精神潤五臟裨六腑開

胃口和血脈益口齒明耳目澤皮膚去寒熱除三尸九蟲天行時疾瘴疫瘦病瀉痢痔漏婦人帶下

產後血運並以酒服河內葉敬母中風服之一年而百病愈寇天師服之得道至今廟前猶生菖蒲

鄭魚魯原等皆以服此得道也又按葛洪抱朴子云韓衆服菖蒲十三年身上生毛冬不寒日

萬言商丘子不娶惟食菖蒲根不饑不老不知所終神仙傳云咸陽王典食菖蒲得長生安期生采

一寸九節菖蒲服仙去又按臞仙神隱書云石菖蒲置一盆於几上夜間觀書則收烟無害目之患

或置星露之下至旦取葉尖露水洗目大能明視久則白晝見星端午日以服酒尤妙蘇東坡云凡

草生石上必須微土以附其根惟石菖蒲濯去泥土漬以清水置盆中可數十年不枯節葉堅瘦根



鬚連絡蒼然於几案間久更可喜其延年終身之功既非昌陽可比至於忍寒淡泊不待泥土而生又豈昌陽所能彷彿哉楊士瀛曰下痢禁口雖是脾虛亦熱氣閉隔心胃所致俗用木香失之温用山藥失之閉惟參苓白朮散加石菖蒲梗米飲調下或用參苓石蓮肉少入菖蒲服胃次一開自然

食思  
**附方** 舊九新服食法 甲子日取菖蒲一寸九節者

七日三服久服耳目聰 健忘益智 七月七日取菖

寸七飲酒不醉好事者服而驗 三十六風 有不治

之夕服聰明忌鐵器 千金方 悉效菖蒲薄切日乾三斤盛以絹袋玄水一斛即

清酒也懸浸之密封一百日視之如菜綠色以一 斗熟黍米納中封十四日 取出日飲 夏禹神仙人經 癩癩風疾 九節菖蒲不

去毛木白搗末以黑豬心一箇批開砂 礮煮湯調服三錢日一服 醫學正傳 尸厥

死尸厥之病卒死脉猶動聽其耳目中如微語聲 但痛齧其踵及足拇趾甲際唾其面即甦仍以菖

蒲末吹鼻中桂末納舌下并以菖蒲根汁灌之 肘後 卒中客忤 立止 肘後方 除一切惡 端午

方 芎藭漬酒飲之或加雄 喉痺腫痛 芎藭根爵 汁燒

黃少許 洞天保生錄 疾痺腫痛 鐵秤錘淬酒一 盃飲之 霍亂脹痛 汁分温四服 聖惠方 諸積

聖濟總錄 鼓脹 食積氣積血積之類石菖蒲八兩剉班螫四

去螫末為末醋糊丸梧子大每服三五丸温白 湯下治腫脹尤妙或入香附末二錢 奇效方

肺損吐血 九節菖蒲末白麩等分每服三錢 解一

本草綱目卷之九 聖濟錄 六百杰



切毒

石菖蒲白礬等分為末  
新汲水下  
事林廣記

赤白帶下

石菖蒲破  
故紙等分

炒為末每服二錢  
更以菖蒲  
浸酒調服日一

胎動半產

卒動不安  
或腰痛胎

轉捨心下血不止  
或日月未足而欲產  
並以菖蒲根搗汁一二升服之

產後崩中

下血不止菖蒲一兩半  
酒二盞煎取一  
盞去滓分三服食前溫服

耳卒聾閉

菖蒲根一寸巴豆一粒  
去心同搗作七丸綿裹一  
丸塞耳日一換一方不用巴豆用蓖麻仁

方病後耳聾

生菖蒲汁滴

蚤虱入耳

菖蒲末炒熟  
袋盛枕之即

愈錄 聖濟錄

諸般赤眼

攀睛雲翳菖蒲搗自然汁文武  
火熬作膏日點之效

眼驗桃鍼

獨生菖蒲根同鹽  
研傳壽域聖方

飛絲入目

石菖蒲  
碎左日塞

右鼻右目塞左鼻百發  
百中危氏得效方

頭瘡不瘡

菖蒲末油調傳  
之日三夜二次

法天 癰疽發背

生菖蒲搗貼之瘡乾者為末  
水調塗之 孫用和秘寶方

露岐

便毒

生菖蒲根搗傳之  
證治治要訣

熱毒濕瘡

宗奭曰有人遍  
身生瘡痛而不

痒手足尤甚粘着衣被曉夕不得睡  
有人教以菖蒲三斗日乾為末布席上卧之  
仍以衣被覆之既

不粘衣又復得睡不五七日其瘡如  
失後以治人應手神驗 衍義本草

風癬有蟲

菖蒲

末五斤酒漬釜中蒸之使味出先絕  
酒一日每服一升或半升 千金方

陰汗濕痒

石菖

蒲蛇牀子等分為末日  
搽二三次 濟急仙方

葉主治

洗疥大風瘡

時珍

白昌

別錄有  
名未用

釋名水昌蒲

別錄水宿

別錄莖蒲

別錄昌陽

拾遺溪孫

拾遺蘭

孫

弘景時珍曰此即今池澤所生昌蒲葉無劍脊  
根肥白而節疎慢故謂之白昌古人以根為莖



食謂之昌本亦曰昌歎文王好食之其生溪澗者名溪蓀

**集解**

別錄曰白昌十月采藏器曰即今之溪蓀也一名昌陽生水畔人亦呼為菖蒲與石上昌

蒲都別根大而臭色正白頌曰水昌蒲生溪澗水澤中甚多失水則枯葉似石昌但中心無脊其根乾後輕虛多滓不堪入藥時珍曰此有二種一種根大而肥白節疎者白昌也俗謂之泥昌蒲一種根瘦而赤節稍密者溪蓀也俗謂之水昌蒲葉俱無劍脊溪蓀氣味勝似白昌並可殺蟲不堪服食

**氣味甘無毒**

別錄曰甘辛溫汁制雄黃雌黃砒石**主治**食諸蟲

**風濕欬逆去蟲斷蚤虱**

弘景研末油調塗疥癬

**香蒲**

本經上品蒲黃

本經上品

**釋名**

蘇恭曰香蒲蘇醮石花上黃粉名蒲黃即其蒲可

許薦者春初生取白為菹亦堪蒸食山南人謂之香蒲以菖蒲為臭蒲也蒲黃即此蒲之花也

**集解**

別錄曰香蒲生南海也澤蒲黃生河東池澤四月采之頌曰香蒲蒲黃苗也處處有之以

秦州者為良春初生嫩葉出水時紅白色茸茸然取其中入地白蕩大如七柄者生啖之甘脆又以醋浸如食筍大美周禮謂之蒲葑今人罕有食之者至夏抽梗於叢葉中花抱梗端如武士捧杵故俚俗謂之蒲槌亦曰蒲葶花其蒲黃即花中葢屑也細若金粉當欲開時便取之市廛以蜜搜作果食貨賣時珍曰蒲叢生水際似莞而禰有脊而柔二三月苗采其嫩根淪過作鮮一宿可食亦可爍食蒸食及晒乾磨粉作餅食詩云其蔌伊何惟筍及蒲是矣八九月收葉以為席亦可作扇軟滑而

**正誤**

弘景曰香蒲方藥不復用人無采者南海人亦不復識江南貢菁茅一名香茅以供宗廟



縮酒或云是薰草又云是燕麥此蒲亦相類耳○  
恭曰陶氏所引菁茅乃三脊茅也香茅燕麥薰草  
野俗皆識都非香蒲類也

蒲蕪一名蒲筍食物蒲兒根野菜譜

氣味甘平無毒時珍曰寒主治五臟心下邪氣口中爛

臭堅齒明目聰耳久服輕身耐老本經去熱燥利小

便原審生啖止消渴汪穎補中益氣和血脈正擣汁服

治妊婦勞熱煩躁胎動下血時珍○

附方舊妬乳乳癰蒲黃草根擣封之并煎汁熱毒

下痢蒲根二兩粟米二合水煎蒲黃本經修治聖濟總錄

凡使勿用松黃并黃蒿其二件全似只是味阻及  
吐人真蒲黃須隔三重紙焙令色黃蒸半日却再  
焙乾用之妙大明曰破血蒲腫  
者生用之補血止血者須炒爛

氣味甘平無毒主治心腹膀胱寒熱利小便止血

消瘀血久服輕身益氣力延年神仙本經治痢血鼻

衄吐血尿血瀉血利水道通經脈止女子崩中甄權

婦人帶下月候不勻血氣心腹痛妊婦下血墜胎

血運血癥兒枕氣痛顛撲血悶排膿瘡癰遊風腫

毒下乳汁止洩精明大明涼血活血止心腹諸痛時珍

發明弘景曰蒲黃即蒲釐花上黃粉也甚療血仙  
經亦用之宗奭曰汁入初得羅去滓以水調



為膏學為塊人多食之以解心臟虛熱小兒尤嗜之過月則燥色味皆淡須蜜水和不可多食令人自利極能虛人時珍曰蒲黃手足厥陰血分藥也故能治血治痛生則能行熟則能止與五靈脂同用能治一切心腹諸痛詳見禽部寒號蟲下按許叔微本事方云有士人妻舌忽脹滿口不能出聲一老叟教以蒲黃類摻比曉乃愈又芝隱方云宋度宗欲賞花一夜忽舌腫滿口蔡御醫用蒲黃乾薑末等分乾搽而愈據此二說則蒲黃之涼血活血可證矣蓋舌乃心之外候而手厥陰相火乃心之臣使使得乾薑是陰陽相濟也

**附方** 舊十四 **舌脹滿口** 方見 **重舌生瘡** 蒲黃末傳

上癆 **肺熱衄血** 蒲黃青黛各一錢新汲水服之

千金方 **吐血唾血** 蒲黃末二兩每日溫酒或黃汁調下 簡便單方 冷水服三錢妙 簡要濟

**老幼吐血** 蒲黃末每服半錢坐地黃汁調下量

**小便出血** 上方同 **小便轉胞** 以布包蒲黃裹腰腎冷

後 **金瘡出血** 悶絕蒲黃半兩熱 **瘀血內漏** 蒲黃末

服方寸匕水調下 **腸痔出血** 蒲黃末方寸匕水服

服盡止 肘後方 **脫肛不收** 蒲黃和

**小兒孀痔** 蒲黃空心溫酒服方 **胎動欲產** 日月未足者蒲黃二錢

日三五度 子母秘錄 **婦催生** 蒲黃地龍洗焙陳橘皮等分為末另收臨

甚妙 唐 **胞衣不下** 蒲黃二錢并水 **產後下血** 羸

慎微方 **產後血瘀** 蒲黃三兩水三

煎八合頓服 **產寶方** 產後血瘀 蒲黃三兩水三



師方 梅 **兒枕血瘕** 蒲黃三錢米 飲服 產後煩悶 蒲黃方寸

服極良 產寶 **墜傷撲損** 瘀血在內煩悶者蒲黃末空 關

**節疼痛** 蒲黃八兩熟附子一兩為末每 肘後方 **陰下濕癢**

蒲黃末傳三四 度瘡 千金方 **聾耳出膿** 蒲黃末摻 聖惠 **口耳大衄** 蒲

阿膠炙各半兩每用二錢水一盞生地黃汁一合 煎至六分溫服急以帛繫兩乳止乃已 聖惠方

**耳中出血** 蒲黃炒黑研末 摻入 簡便方

**滓** 蒲黃中篩出赤 滓名曰蒲萇也

**主治炒用瀝腸止瀉血血痢妙** 大

菰 別錄 下品

**釋名菱草** 說文 **蔣草** 時珍曰按許氏說文菰本作蔣 從瓜諧聲也有米謂之彫菰也

見穀部菰米下江南人呼菰為 菱以其根交結也蔣義未詳

**集解** 保昇曰菰根生水中葉如蔗荻久則根盤而 厚夏月生菌堪啖名菰菜三年者中心生白

莖如藕狀似小兒臂而白軟中有黑脉堪啖者名 菰首也藏器曰菰首小者擘之內有黑灰如墨者

名烏菰人亦食之晉張翰思吳中蓴菰即此也頌 曰菰根江湖陂澤中皆有之生水中葉如蒲葦葦

刈以秣馬甚肥春末生白茅如筍即菰菜也又謂 之菱白生熟皆可啖甜美其中心如小兒臂者名

菰手作菰首者非矣爾雅云出隧蘧蔬註云生菰 草中狀似土菌江東人啖之甜滑即此也故南方

人至今謂菌為菰亦緣此義其根亦如蘆根冷利 更甚二浙下澤處菰草最多其根相結而生久則

并生浮於水上彼人謂之菰蔣刈去其葉便可耕 蒔 名蔣田其苗有莖硬者謂之菰蔣草至秋結

本草綱目卷之九 菰 蔣 菰蔣草至秋結



實乃彫胡米也歲饑人以當糧宗奭曰菰乃蒲類  
河朔邊人止以飼馬作薦八月開花如葦結青子  
合粟為粥食甚濟饑杜甫所謂波漂菰米沉雲黑者是也

菰筍一名茭筍日茭白圖菰菜同

氣味甘冷滑無毒說曰滑中不可多食頌曰菰之種類皆極冷不可過食甚不益

人惟服金石人相宜耳主治利五臟邪氣酒皸面赤白癩瘰

瘍目赤熱毒風氣卒心痛可鹽醋煮食之孟去煩

熱止渴除目黃利大小便止熱麻襍鯽魚為羹食

開胃口解酒毒壓丹石毒發藏

菰手一名菰菜日茭白通茭粳俗蘧蔬音菰

氣味甘冷滑無毒大明曰微毒說曰性滑發於

滷疾服巴豆人不可食主治心胸中浮熱風氣滋人齒孟煮

食止渴及小兒水痢藏

菰根氣味甘大寒無毒頌曰菰根亦如蘆根冷利更甚主治腸胃

痛熱消渴止小便利擣汁飲之別燒灰和雞子白

塗火燒瘡藏

附方舊小兒風瘡久不愈者用菰蔞節燒研傳之子母秘錄 毒蛇傷

嚙菰蔞草根燒灰傳之外臺秘要

葉主治利五臟大明



菰米 見穀部

苦草 綱目

**集解** 時珍曰生湖澤中長二三尺狀如茅蒲之類

**氣味** 主 治 婦人白帶煎湯服又主好嗜乾茶不已

面黃無力為末和炒脂麻不時乾嚼之 時珍

水萍 本經中品

**釋名** 別錄曰水萍生雷澤池澤三月采暴乾弘景曰此是水中大萍非今浮萍子藥對云五月

有花白色即非今溝渠所生者楚王渡江所得乃斯實也藏器曰水萍有三種大者曰蘋葉闊寸許小萍子是溝渠間者本經云水萍應是小者頌

曰爾雅云萍萍叶大者頌蘇恭言有二律大者曰

蘋中者曰荇小者即水上浮萍今醫家鮮用大蘋

注用浮萍時珍曰本草所用水萍乃小浮萍非大蘋也陶蘇俱以大蘋註之誤矣萍之與蘋音雖相近字脚不同形亦迥別今釐正之互見蘋下浮萍

處處池澤止水中甚多季春始生或云楊花所化一葉經宿即生數葉葉下有微鬚即其根也一種

背面皆綠者一種面青背紫赤若血者謂之紫萍人藥為良七月采之淮南萬畢術云若血化為紫

萍恐自有此種不盡然也小雅呦呦鹿鳴食野之萍者乃蒿屬陸佃指為此萍誤矣

**修治** 時珍曰紫背浮萍七月采之揀淨以竹篩攤晒下置水一盆映之即易乾也

**氣味** 辛寒無毒 別錄曰酸 主 治 暴熱身癢下水氣勝酒

長鬚髮止消渴久服輕身 本經 下氣以沐浴生毛髮

別 治 熱毒風熱狂癘腫毒湯火傷風癩 大擣汁

錄 五百李九



服主水腫利小便為末酒服方寸七治人中毒為

膏傳面黥藏器主風濕麻痺脚氣打撲傷損目赤翳

膜口舌生瘡吐血衄血癩風丹毒時珍

發明震亨曰浮萍發汗勝於麻黃頌曰俗醫用治

兩四月十五日采之麻黃去根節桂心附子炮裂

去濟皮各半兩四物搗細節每服一錢以水一中

蓋生薑半分煎至六分和滓熱服汗出乃瘥又治

惡疾癘瘡遍身者濃煮汁浴半日多效此方甚奇

古也時珍曰浮萍其性輕浮入肺經達皮膚所以

能發揚邪汗也世傳宋時東京開河掘得石碑梵

書大篆一詩無能曉者真人林靈素逐字辨譯乃

是治中風方名去風丹也詩云天生靈草無根幹

不在山間不住岸始因飛絮逐東風沈便青青飄

火面神仙一味去沉疴來時須在七月半選甚癰

風與大風些小微風都不算豆淋酒化服三九鐵

鏤頭上也出汗其法以紫色浮萍曬乾為細末煉

蜜和丸彈子大每服一粒以豆淋酒化下治左癱

右癱三十六種風偏正頭風口眼喎斜大風癩風

一切無名風及脚氣并打撲傷折及胎孕有傷服

過百粒即為全人此方後人易名紫萍一粒丹

附方舊七新

夾驚傷寒

紫背浮萍一錢犀角屑半錢鈞藤鈞三七箇為末每

服半錢蜜水調下連進三

消渴飲水

浮萍搗汁服

服出汗為度聖濟錄之○又方用乾浮萍枯樓根等分為末人乳汁和

丸梧子大空腹飲服二十九三年者數日愈

金小便不利膀胱水氣流滯浮萍日乾為末水氣

洪腫小便不利浮萍日乾為末每服方霍亂心煩

蘆根多一兩半水萍焙人參枇杷葉炙各一兩吐

每服五錢入薤白四寸水煎溫服聖惠方



**血不止**

紫背浮萍焙半兩黃芪炙二錢半為末

每服一錢薑蜜水調下

**衄不止**

浮萍末吹之

**中水毒病**

手足指冷至膝肘

為末飲服方寸匕良

**大腸脫肛**

水聖散用紫浮萍

氏得**身上虛癢**

浮萍末一錢以黃芩一錢同

**癰癤**

浮萍蒸過焙乾牛蒡子酒蒸晒乾炒各一兩

**風熱丹毒**

浮萍搗汁遍塗

晒乾每以四兩煎水浴并以萍擦之

**少年面皰**

或用浮萍日投會之并飲汁少許

執擦日二五次物雖微末其

**大風癘疾**

浮萍草三月未淘三五次

錢食前温酒下常持觀音聖號忌豬魚雞蒜

風散五兩每服五錢水煎頻飲

仍以煎湯洗浴之

以生羊子肝半箇同水半盞煮熟搗爛絞汁調末

服甚者不過一服已傷者十服見效

**弩肉攀睛**

青萍少許研爛入片腦少許

**起**

水中萍子草搗

**楊梅瘡癬**

水萍煎汁浸洗半日

**蕘**

孫真人方



釋名菜菜遺四葉菜厄田字草

時珍曰蘋本作蘋左傳蘋蘩藇藻之

菜可薦於鬼神可羞於王公則蘋有賓之義故字從賓其草四葉相合中折十字故俗呼為四葉菜田字草破銅錢皆象形也諸家本草皆以蘋註水萍蓋由蘋萍二字音相近也按韻書蘋在真韻蒲真切萍在庚韻薄經切切脚不同為物亦異今依吳普本草別出於此

集解 普曰水萍一名水廉生池澤水上葉圓小一葉根入水底五月花白三月采日乾之

弘景曰水中大洋五月有花白色非溝渠所生之萍乃楚王渡江所得即斯實也恭曰萍有三種大者名蘋中者名苻葉皆相似而圓其小者即水萍浮萍也藏器曰蘋葉圓潤寸許葉下有一點如水沫一名菜曝乾可入藥用小萍是溝渠間者禹錫按爾雅云萍萍也其大者曰蘋又詩云于以采蘋干澗之瀉陸機注云其粗大者謂之蘋小者為萍季春始生可糝蒸為茹又可以苦酒淹之按酒

今醫家少用此蘋惟用小萍耳時珍曰蘋乃四葉菜也葉浮水面根連水底其莖細於蓴若其葉大如指頂面青背紫有細紋頗似馬蹄決明之葉四葉合成中折十字夏秋開小白花故稱白蘋其葉攢簇如萍故爾雅謂大者為蘋也呂氏春秋云菜之美者有崑崙之蘋即此韓詩外傳謂浮者為藻沉者為蘋臞仙謂白花者為蘋黃花者為苻即金蓮也蘇恭謂大者為蘋小者為苻楊慎卮言謂四葉菜為苻陶弘景謂楚王所得者為蘋皆無一定之言蓋未深加體審惟據紙上猜度而已時珍一采視頗得其真云其葉徑一二寸有一缺而形圓如馬蹄者尊也似尊而稍尖長者苻也其花並有黃白二色葉徑四五寸如小荷葉而黃花結實如小角黍者萍蓬草也楚王所得萍實乃此萍之實也四葉合成一葉如田字形者蘋也如此分別自然明白又項氏言白蘋生水青蘋生陸地按今之田字草有水陸二種陸生者多在稻田沮洳之處其葉四片合一與白蘋一樣但莖生地上高



三四寸不可食方士取以煨硫結砂煑汞謂之水田翁項氏所謂青蘋蓋卽此也或以青蘋爲水草誤矣

**氣味甘寒滑無毒主治暴熱下水氣利小便**吳普

**塗熱瘡擣汁飲治蛇傷毒入腹內曝乾糯樓等分**

**爲末人乳和丸服止消渴**藏器**食之已勞**山海經

**萍蓬草**拾遺

**釋名水粟**綱目**水粟子**時珍曰陳藏器拾遺萍蓬草卽今水粟也其子如粟如蓬

子也俗人呼水粟包又云水粟子言其根味也或作水筴

**集解**藏器曰萍蓬草生南方池澤葉大似荷花亦黃未開時狀如笑袋其根如藕饑年可以當

穀時珍曰水粟三月出水莖大如指葉似荇葉而大徑四五寸初生如荷葉六七月開黃花結實狀如角黍長二寸許內有細子一包如罌粟澤農采之洗擦去皮蒸曝舂取米作粥飯食之其根大如栗亦如雞頭子根儉年人亦食之作藕香味如栗子昔楚王渡江得萍實大如斗赤如日食之甜如蜜者蓋此類也若水萍安得有實耶二四月采莖葉取汁煮硫黃能拒火又段公路比戶錄有睡蓮亦此類也其葉如荇而大其花布葉數重當夏晝開花夜縮入水晝復出也

**子氣味甘澀平無毒主治助脾厚腸令人不饑**時珍

**根氣味甘寒無毒主治煮食補虛益氣力久食不**

**饑厚腸胃**藏器

**荇菜**唐本草



釋名鳧葵

唐本馬融傳

水鏡草

土宿本草

曆子菜

野菜譜

金蓮子接余

時珍曰按爾雅云荈接余也其葉符則鳧葵當作符葵古文通用耳或云

鳧喜食之故稱鳧葵亦通其性滑如葵其葉頗似

荈故曰葵曰荈詩經作荈俗呼荈絲菜池人謂之

荈公鬚淮人謂之曆子菜江東謂之金蓮子許氏

說文謂之曆音戀楚詞謂之屏風云紫莖屏風文

綠波是矣

集解

恭曰鳧葵即荈菜也生水中頌曰處處池澤有之葉似蓴而莖澀根甚長花黃色郭璞註

爾雅云叢生水中央圓在莖端長短隨水深淺江

東人食之陸機詩疏云荈莖白而葉紫赤色正圓

徑寸餘浮在水上根在水底大如釵股上青下白

可以按酒用苦酒浸其白莖肥美今人不食醫方

亦鮮用之時珍曰荈與蓴一類二種也並根連水

底葉浮水上其葉似馬蹄而圓者蓴也葉似蓴而

微尖長者荈也夏月俱開黃花亦有白花者

大如棠梨中有細子按寧獻王庚辛王冊云鳧葵

黃花者是荈菜白花者是白蓴即水鏡草一種泡

子名一鼈雖有數種其用一也其莖葉根花並可

伏硫煑砂制斲此以花色分

別類荈似亦未穩詳見類下

正誤

恭曰

鳧葵南人名豬蓴堪食有名未用條中

人多食之今云是豬蓴誤矣今以春夏細長肥滑

者為絲蓴至冬粗短者為豬蓴亦呼為鼈蓴與鳧

葵殊不相似也而有名未用類即無鳧葵豬蓴之

名蓋後人刪去也時珍曰楊慎厄言以四葉菜為

荈者亦非也四

葉菜乃蓴也

氣味甘冷無毒主治消渴去熱利小便

唐本

療寒熱

開寶

搗傳諸腫毒火丹遊腫

時珍



附方

新四

一切癰疽

及瘡癤用菘絲菜或根馬蹄草莖或于卽尊也各取半碗

同苧麻根五寸去皮以石器搗爛傳毒四圍春夏秋日換四五次冬換二三次換時以薺水洗之甚効保穀道生瘡

傷

牙入肉中痛不可堪者勿令人知私以苻葉覆其上穿以物包之一時折牙自出也

點眼去翳

菘絲菜根一錢半搗爛卽葉如馬蹄開黃花者川練子十五箇磨礬七分石決

明五錢皂莢一兩海螵蛸二錢各為末同菜根以水一鍾浸二宿去滓一日點數次七日見效也

孫氏集效方

尊別錄

釋名茆

卯水葵

露葵

馬蹄草

時珍曰尊字

純乃絲名其莖似之故也齊民要術云菘性純而易生種以淺深為候水深則莖肥而葉少水淺則莖瘦而葉多其性逐水而滑故謂之菘菜并得菘名類之推家訓云蔡朗父諱純改菘為露葵北人不知以綠葵為之詩云薄菜其節卽菘也或諱其名謂之錦帶

集解

保昇曰尊葉似鳧葵浮在水上未莖堪取花黃白色于紫色三月至八月莖細如釵股黃

赤色短長隨水深淺名為絲尊味甜體軟九月至十月漸粗硬十一月萌在泥中短名瑰尊味苦體澀人惟取汁作羹猶勝蘘菜時珍曰尊生南方湖澤中惟吳越人善食之葉如苻菜而差圓形似馬蹄其莖紫色大如筋柔滑可羹夏月開黃花結實青紫色大如棠梨中有細子春夏嫩莖未葉者名稚尊稚者小也葉稍舒長者名絲尊其莖如絲也至秋老則名葵尊或作豬尊言可飼豬也又訛為瑰尊龜尊焉餘見鳧葵



**氣味甘寒無毒**

藏器曰：萼雖水草而性熱擁。說曰：萼雖冷補熱食及多食亦擁氣不

下甚損人胃及齒令人顏色惡損毛髮和醋食令人骨痠李廷飛曰：多食性滑發痔七月有蟲着上

食之令人霍亂 **主治消渴熱痺** 別和鯽魚作羹食下氣止

**嘔多食壓丹石補大小腸虛氣不宜過多** 孟治熱

**疸厚腸胃安下焦逐水解百藥毒并盡氣** 明人

**發明** 弘景曰：萼性冷而補下氣襍鱧魚作羹食亦逐水而性滑服食家不可多用恭曰：萼久食

大宜人合鮓魚作羹食主胃弱鱸下食者至效又宜老人應入上品故張翰臨秋風思吳中之魚萼

羹也藏器曰：萼體滑常食發氣令關節急嗜睡脚氣論中令人食之此謬極深也温病後脾弱不能

磨化食者多死于所居近湖湖中有萼萬年中疫甚饑人取萼食之雖病瘥者亦死至秋大旱人多

血痢湖中水竭掘藕食之闔境無他萼藕之功於斯見矣

**附方** 新 **一切癰疽**

馬蹄草即萼菜春夏用莖冬月用子就於根側尋取搗爛傳之

未成即消已成即毒散用菜亦可保生餘錄 **頭上惡瘡** 以黃泥包豆豉

以萼菜油調傳 **數種疔瘡** 馬蹄草又名缺盆草大青葉臭紫草各等分搗

爛以酒一碗浸之去滓温服三服立愈 **經驗良方**

**水藻** 綱目

**釋名** 時珍曰：藻乃水草之有文者潔淨如澡浴故謂之藻

**集解** 頌曰：藻生水中處處有之周南詩云于以采藻于沼于汜于彼行潦是也陸機註云藻生水底有二種葉如雞蘇莖如筋長四五尺一種葉

如蓬蒿莖如釵股謂之藻藻二藻皆可食熟按去

水底有二種葉如雞蘇莖如筋長四五尺一種葉如蓬蒿莖如釵股謂之藻藻二藻皆可食熟按去



腥氣米麩糝蒸為茹甚清美荆揚人饑荒以當穀

食藏器曰馬藻生水中如馬齒相連時珍曰藻有

二種水中甚多水藻葉長二三寸兩兩對生即馬

藻也聚藻葉細如絲及魚鰓狀節節連生即水蘊

也俗名鰓草又名牛尾蘊是矣爾雅云蒼牛藻也

郭璞注云細葉蓬茸如絲可愛一節長數寸長者

二三十節即蘊也二藻皆可食入藥以

馬藻為勝左傳云蘋蘩藻之菜即此

氣味甘大寒滑無毒主治去暴熱熱利止渴擣汁

服之小兒赤白遊癩火焮熱瘡擣爛封之

發明思邈曰凡天下極冷無過藻菜但有患熱毒

腫并丹毒者取渠中藻菜切搗傅之厚三分

海藻本經中品

釋名壽

集解

弘景曰海藻生東海池澤七月七日采暴乾

大都似藻葉藏器曰此有二種馬尾藻生淺水中

如短馬尾細黑色用之當浸去鹹味大葉藻生深

海中新羅國葉如水藻而大海人以繩繫腰沒水

取之五月以後有大魚傷人不可取也爾雅云綸

似綸組似組東海有之正為二藻也頌曰此即水

藻生於海中者今登萊諸州有之陶隱居引爾雅

綸組註昆布謂昆布似組青苔紫菜似綸而陳藏

器以綸組為二藻陶說似近之時珍曰海藻近海

修治

敷日凡使須用生烏豆并紫背天葵三件同

蒸伏時日乾用時珍曰近人但洗淨鹹味結

用乾

音單出爾雅

落首

海蘿

爾雅



**氣味苦鹹寒無毒**

權曰鹹有小毒之才曰反甘草時珍曰按東垣李氏治瘰癧馬

刀散腫潰堅湯海藻甘草兩用之蓋以堅積之病非平和之藥所能取捷必令反奪以成其功也

**主治瘰癧結氣散頸下硬核痛癰腫癥瘕堅氣腹**

**中上下雷鳴下十二水腫**本經**療皮間積聚暴瘡癩**

**氣結熱利小便**別錄**辟百邪鬼魅治氣急心下滿疝**

**氣下墜疼痛卵腫去腹中幽幽作聲**甄權**治奔豚氣**

**脚氣水氣浮腫宿食不消五膈痰壅**李

**發明**元素曰海藻氣味俱厚純陰沉也治瘰癧馬刀諸瘡堅而不潰者經云鹹能軟堅營氣不

從外為浮腫隨各引經藥治之腫無不消成無已口鹹味涌泄故海藻之鹹以泄水氣也說曰海藻

選子陰消男子瘡疾宜常食之南方人多食其方人效之倍生諸疾更不宜矣時珍曰海藻鹹能潤下寒能洩熱引水故能消瘰癧結核陰癩之堅聚而除浮腫脚氣留飲痰氣之濕熱使邪氣自小便出也

**附方**舊二新三**海藻酒**治瘰氣用海藻一斤絹袋盛之以清酒二升浸之春夏二日秋

冬三日每服兩合日三酒盡再作其滓曝乾為末每服方寸七日三服不過兩劑即瘥**范汪方**

**瘰氣初起**海藻一兩黃連二兩為末時時**項下瘰**

如梅李狀宜連服前方**蛇盤瘰癧**頭項交接者

海藻酒消之**疔後方**麩炒過白僵蚕炒等分為末以白梅泡湯和丸梧

子大每服六十丸米飲下必泄出毒氣**危氏得**



海蘊音○拾遺

校正自草部移入此

釋名時珍曰：蘊亂絲也。其葉似之故名。

氣味鹹寒無毒主治瘰癧結氣在喉間下水藏主

水蔭蘇頌

海帶宋嘉祐

集解禹錫曰：海帶出東海水中石上似海藻而粗柔韌而長今登州人乾之以束器物醫家用

以下水勝於海藻昆布

氣味鹹寒無毒主治催生治婦人病及療風下水

嘉祐治水病瘰癧功同海藻時珍

昆布別錄中品

釋名綸布時珍曰：按吳普本草綸布一名昆布。爾雅所謂綸似綸東海有之者即昆布也。綸音關青絲綬也。訛而為昆耳。陶弘景以綸為青苔紫菜葦謂組為昆布。陳藏器又謂綸組是二種藻不同如此。

集解別錄曰：昆布生東海弘景曰：今惟出高麗繩把索之如卷麻作黃黑色柔韌可食爾雅云綸似綸組似組東海有之今青苔紫菜皆似綸而昆布亦似組即是也。藏器昆布生南海葉如手大似薄葦紫赤色其細葉者海藻也。珣曰：其草順流而生出新羅者葉細黃黑色胡人搓之為索陰乾從舶上來中國時珍曰：昆布生登萊者搓如繩索之狀出閩浙者大葉似菜蓋海中諸菜性味相近主療一致雖稍有不同亦無大異也。

昆布亦似組即是也。藏器昆布生南海葉如手大似薄葦紫赤色其細葉者海藻也。珣曰：其草順流而生出新羅者葉細黃黑色胡人搓之為索陰乾從舶上來中國時珍曰：昆布生登萊者搓如繩索之狀出閩浙者大葉似菜蓋海中諸菜性味相近主療一致雖稍有不同亦無大異也。



修治

數曰凡使昆布每一斤用甌單大小十箇同剉細以東流水煮之從巳至亥待鹹味去乃

晒焙用

氣味鹹寒滑無毒

普曰酸鹹寒無毒權曰温有小毒

主治十二種

水腫瘦癩聚結氣瘦瘡

別錄破積聚

思治陰瘡腫含

之嚙汁

藏器

利水道去面腫治惡瘡鼠瘦

甄權

發明

呆曰鹹能軟堅故瘦堅如石者非此不除與海藻同功說曰昆布下氣久服瘦人無此疾

者不可食海島之人愛食之為無好菜只食此物服久相習病亦不生遂傳說其功於北人北人食之皆生病是亦土不直耳凡是海中菜皆攝人不可多食

附方

舊

昆布燻

治膀胱結氣急宜下氣用高麗昆布一斤白米泔浸一宿洗去鹹味

以水一斛煮熟劈細入葱白一握寸斷之更煮爛乃下鹽酢糝薑橘椒末調和食之仍宜食梁米

粳米飯極能下氣無所忌海藻亦可依此法作之廣濟方

瘦氣結核

癩癩腫硬以昆布一

兩洗去鹹晒乾為散每以一錢綿裹好醋中浸過含之嚙汁味盡再易之

聖惠方

項下五

瘦方同

項下卒腫

其囊漸大欲成瘦者是布海藻等分為末蜜丸杏核大時時含

之嚙汁外臺

越王餘算

海藥

釋名集解

珣曰越王餘算生南海水中如竹算子長尺許劉敬叔異苑云昔晉安越王渡

南海將黑角白骨作算籌其有餘者棄於水中而生此故葉白者似骨黑者似角遂名之相傳可食

附錄沙箸

時珍曰按劉恂嶺表錄有沙箸似是餘算之類今附於此云海岸沙中生沙箸



春生苗其心若骨白而且勁可為酒籌凡欲采者須輕步向前拔之不然聞行聲遽縮入沙中不可得也

**氣味鹹温無毒主治水腫浮氣結聚宿滯不消腹**

**中虛鳴並煮服之**李珣

**石帆**日華

**集解**弘景曰石帆狀如栢水松狀如松藏器曰石帆生海底高尺餘根如漆色至梢上漸軟作交羅紋大明曰石帆紫色梗大者如筋見風漸硬色之漆人以飾作珊瑚裝頌曰左思吳都賦草則石帆水松劉淵林註云石帆生海嶼石上草類也無葉高尺許其花離樓相貫連若死則浮水中人於海邊得之稀亦見其生者

**氣味甜鹹平無毒主治石淋**弘景**煮汁服主婦人血**

**結月閉**藏器

**水松**綱目

**集解**弘景曰水松狀如松頌曰出南海及交趾生海水中

**氣味甘鹹寒無毒主治溪毒**弘景**水腫催生**藏器

本草綱目卷之十九 終

本草綱目卷之十九 終



本草綱目草部目錄第二十卷

草之九 石草類一十九種

石斛 本經

骨碎補 開寶

石韋 本經

金星草 嘉祐

石長生 本經 紅茂草附

石莧 圖經 石垂附

景天 本經

佛甲草 圖經

虎耳草 綱目

石胡荽 四聲

螺曆草 拾遺 卽鏡面草

酢漿草 唐本 酸草

三葉附

地錦 嘉祐卽血 見愁○金

瘡小 草附

離鬲草 拾遺

仙人掌 拾遺

仙人掌草 圖經

崖椴 圖經 野蘭

雞翁藤附 半天回



紫背金盤 圖經 白龍鬚 綱目

右附方舊十新四十七

本草綱目草部第二十卷

草之九 石草類一十九種

石斛 本經上品

釋名石遂 別錄 金釵 綱目 禁生 本經 林蘭 同 杜蘭 別錄時珍曰石

斛石義未詳其莖狀如金釵之股故古有金釵石斛之稱今蜀人裁之呼為金釵花盛弘之荊州記云未陽龍石山多石斛精好如金釵是矣林蘭杜蘭與木部木蘭同名恐誤

集解 別錄曰石斛生六安山谷水旁石上七月八月采莖陰乾弘景曰今用石斛出始興生石上細實以桑灰沃之色如金形如蚱蟻斛者佳近道亦有次于宣城者其生櫟木上者名木斛其莖至虛長夫而色淺不入丸散惟可為酒漬煮之用俗方最以補虛療脚膝恭曰今荆襄及漢中江左



又有二種一種似大麥累累相連頭生一葉而性冷名麥斛一種莖大如雀髀葉在莖頭名雀髀斛其他斛如竹而節間生葉也作乾石斛法以酒洗蒸氣成不用灰湯或言生者漬酒勝于乾者頌曰今荊州光州壽州廬州江州温州台州亦有之以廣南者為佳多在山谷中五月生苗莖似小竹節節間出碎葉七月開花十月結實其根細長黃色惟生石上者為勝宗奭曰石斛細若小草長三四寸柔韌折之如肉而實今人多以木斛混之亦不能明木斛中虛如木長尺餘但色深黃光澤耳時珍曰石斛叢生石上其根斜結甚繁乾則白軟其莖葉生皆青色乾則黃色開紅花節上自生根鬚人亦折下以砂石栽之或以物盛挂屋下頻澆以水經年不死俗稱為千年潤石斛短而中實木斛長而中虛甚易分別處處有之以蜀中者為勝

修治

凡使去根頭用酒浸一宿暴乾以酥拌蒸之從巳至酉徐徐焙乾用入補藥乃效

氣味甘平無毒

時珍曰神農甘平扁鵲酸李當之

之使惡凝水石巴豆畏雷丸僵蠶

主治傷中除痺下氣補五臟虛

勞羸瘦強陰益精久服厚腸胃

本經補內絕不足平

胃氣長肌肉逐皮膚邪熱痹氣脚膝疼冷痺弱定

志除驚輕身延年

別錄益氣除熱治男子腰脚軟弱

健陽逐皮肌風痺骨中久冷補腎益力

權壯筋骨

煖水臟益智清氣

日華治發熱自汗癘疽排膿內塞

時珍

發明

一斲曰石斛鎮涎澀丈夫元氣酒浸酥蒸服滿一鎰末不骨痛也宗奭曰石斛治胃中虛熱



有功時珍曰石斛氣平味甘淡微鹹陰中之陽降也乃足太陰脾足少陰右腎之藥深師云囊濕精少小便餘瀝者宜加之一法每以二錢入生薑一片水煎代茶飲甚清肺補脾也

**附方**新 **睫毛倒入** 川石斛川芎藭等分為末口內

**珍** **飛虫入耳** 石斛數條去根如筒子一邊紆入耳中四畔以蠟封閉用火燒石斛盡則

止熏右耳則虫從左出未出更作 聖濟

**骨碎補** 宋開寶

**釋名** **猴薑** 拾遺 **胡孫薑** 志 **石毛薑** 日華 **石菴藎** 藏器曰

本名猴薑開元皇帝以其主傷折補骨碎故命此名或作骨碎布訛矣江西人呼為胡孫薑象形也時珍曰菴藎主折傷破血此物功同故有菴藎之名

**集解** 志曰骨碎補生江南根寄樹石上有毛葉而一根餘葉生于木大明曰是樹上寄生草根似薑而細長頌曰今淮浙陝西夔路州郡皆有之生木或石上多在背陰處引根成條上有黃赤毛及短葉附之又抽大葉成枝葉面青綠色有青黃點

菁青白色有赤紫點春生葉至冬乾黃無花實采根入藥宗奭曰此苗不似薑亦不似菴藎每大葉兩旁小葉又牙兩兩相對葉長有尖瓣也時珍曰其根扁長畧似薑形其葉有極缺類似貫眾葉謂葉如菴藎者殊謬如石韋者亦差

**根修治** 斆曰凡采得用銅刀刮去黃赤毛細切密拌潤饑蒸一日曬乾用急用只焙乾不蒸

亦得也

**氣味** 苦温無毒 大明 **主治** 破血止血補傷折 開寶



骨中毒氣風血疼痛五勞六極足手不收上熱下

冷權惡疾蝕爛肉殺蟲大明研末豬腎夾煨空心食

治耳鳴及腎虛久泄牙疼時珍

**發明**頌曰骨碎補入婦人血氣藥蜀人治閃折筋

時珍曰骨碎補足少陰藥也故能入骨治牙及久

泄瀉未入豬腎中煨熟與食頓住蓋腎主大小便久

泄屬腎虛不可專從脾胃也雷公炮炙論用此方

治耳鳴耳亦腎之竅也案戴原禮症治要訣云癩

后下虛不善調養或遠行或房勞或外感致兩足

痿軟或痛或痺遂成癩風宜用獨活寄生湯吞虎

骨四斤丸仍以骨碎補三分之一同研取汁酒解

服之外用杜牛膝杉木節草薢白芷南星

煎易頻頻煎洗此亦從腎虛骨痿而治也

**附方**新**虛氣攻牙**

齒痛血出或痒痛骨碎補二

為未如常指齒良久吐之嚙下亦可劉松石云此

去骨中靈效方不獨治牙痛極能堅骨固牙益精髓

去骨中靈效方不獨治牙痛極能堅骨固牙益精髓

數擦立住再不復動經用有神

分爲末糊丸塞孔中名

金針丸 聖濟總錄 耳鳴耳閉 骨碎補削作細

之 蘇 病後髮落 胡孫薑野薑薇 腸風失血 胡孫

氏圖經 存性五錢酒或米 飲服 仁存方

**石韋**本經 中品

**釋名****石韋**音**石皮**別**石蘭**弘景曰蔓延石上生葉

韋亦皮也



集解

別錄曰石韋生華陰山谷石上不聞水聲及人聲者良二月采葉陰乾弘景曰處處有之出建平者葉長大而厚恭曰此物叢生石旁陰處亦不作蔓其生古瓦屋上者名瓦韋療淋亦好頌曰今晉絳潯海福州江寧皆有之叢生石上葉如柳背有毛而斑點如皮福州別有一種石皮三月有毛采作浴湯治風時珍曰多生陰崕險罅處其葉長者近尺濶寸餘柔韌如皮背有黃毛亦有金星者名金星草此凌冬不凋又一種如杏葉者亦生石上其性相同

修治

別錄曰凡用去黃毛射人肺令人欬不可療大明曰入藥去梗須微炙用一法以羊脂炒

用乾

氣味苦平無毒

別錄曰甘權曰微寒之才曰滑石杏仁射干為之使得萑蒲良制丹

砂礬石

主治勞熱邪氣五癃閉不通利小便水道

經本止

下氣通膀胱滿補五勞安五臟去惡風益精氣

別錄

治淋瀝遺溺

華日炒末冷酒調服治發背頌主崩漏

金瘡清肺氣

時珍

附方

新五小便淋痛石韋滑石等分為末每飲服刀圭最駛聖惠小便轉

脬

石韋去毛車前子各二錢半水指迷方崩中漏下石韋二錢煎一錢食前服

每服三錢溫酒服甚効

便前有血

石皮為末茄子枝煎湯下二錢普濟方氣熱

欬嗽

石韋檳榔等分為末薑湯服二錢聖濟錄

金星草

宋嘉祐



釋名金釧草圖經鳳尾草綱目七星草時珍曰卽石章之有金星者圖

經重出七  
星草併入

集解禹錫曰金星草西南州郡多有之以戎州者為上喜生背陰石上淨處及竹菁中少日色

處或生大木下及背陰古瓦屋上初出深綠色葉長一二尺至深冬背生黃星點子兩兩相對色如金因得金星之名無花實凌冬不凋其根盤屈如竹根而細折之有筋如豬馬駿五月和根采之風乾用頌曰七星草生江州山谷石上葉如柳而長作蔓延長二三尺其葉堅硬背上有黃點如七星采無時

氣味苦寒無毒頌曰微酸崔昉曰制二黃砂末礬石

主治發背惡瘡結核解流黃丹石毒連根半斤酒

五升銀器煎服先服石藥悉下亦可作末冷水服

方寸七塗瘡腫殊効根浸油塗頭大生毛髮嘉祐烏

髭髮頌解熱通五淋涼血時珍

發明頌曰但是瘡毒皆可服之然性至冷服后下利須補治乃平復老年不可輒服宗奭曰丹

石毒發于背及一切癰腫以其根葉二錢半酒一大盞煎服取下黑汁不惟下所服石藥兼毒去癰愈也如不飲酒則為末以新汲水服以知為度時珍曰此藥大抵治金石發毒者若憂鬱氣血凝滯而發毒者非所宜也

附方舊一五毒發背金星草和根淨洗慢火焙乾每四兩入生甘草一錢搗末

分作四服每服用酒一升煎二三沸更以溫酒三二升相和入研器內封固時時飲之忌生冷油肥



毒物 經驗方 熱毒下血 金星草陳乾薑各三兩為末每服一錢新汲水下 本事方

脚膝爛瘡 金星草背上星刮下 集簡方

石長生 本經下品

釋名丹草 本經 丹沙草 時珍曰四時不凋故曰長生

案解 別錄曰石長生生咸陽山谷弘景曰俗中時有采者方藥不復用近道亦有是細細草葉

花紫色南中多生石巖下葉似蕨而細如龍須黑如光漆高尺餘不與餘草雜也恭曰苗高尺許五

六月采莖葉用今市人用殿筋草為之葉似青柏莖細勁紫色今太常用者是也時珍曰宋祁益部

方物記長生草生山陰蕨地修莖茸葉色似檜而澤經冬不凋

氣味鹹微寒有毒 普曰神農苦雷公辛桐 主治寒

熱惡瘡大熱辟鬼氣不祥 本經下 三蟲 別錄 治疥癬

諸風治百邪魅 權

附錄紅茂草 圖經頌曰味苦大涼無毒主癰疽瘡腫焙研為末冷木調貼一名地沒藥

一名長生草生施州四季枝葉繁故有長生之名春采根葉時珍曰案庚辛玉冊云通泉草一名長

生草多生古道丘壟荒蕪之地葉似地丁中心抽一莖開黃白花如雪又似麥飯摘下經年不稿根

入地至泉故名通泉俗呼禿瘡花此草有長生之名不知與石長生及紅茂草亦一類否故並附之

石莧 宋圖

集解 頌曰生筠州多附河岸沙石上春生苗莖青高一尺以來葉如水柳而短八九月土人采之

氣味辛苦有小毒主治同甘草煎服主齁齕又吐



風涎頌

附錄石垂

頌曰生福州山中三月花四月采子生禱為末丸服治蠱毒

景天本經上品

釋名慎火

本經同 戒火

救火別錄 撲火

綱目 護火 辟火

同 火毋

別錄弘景曰眾藥之名景天為麗人皆盆盛養于屋上云可辟火故曰慎火方用亦希

集解

別錄曰景天生太山川谷四月四日七月七日采陰乾頌曰今南北皆有之人家種于中

庶或盆置屋上春生苗葉似馬齒莧而大作層而上莖極脆弱夏中開紅紫碎花秋後枯死亦有宿根者苗葉花並可用宗奭曰極易種折枝置土中澆溉旬日便生也時珍曰景天人多栽于石山上二月生苗脆莖帶赤黃色高一二尺折之有汁葉淡綠色光澤柔厚狀似長匙頭及胡豆葉而不

炎夏開小白花結實如連翹而小中有黑子如粟粒其葉味微甘苦煉熟水淘可食

正誤

弘景曰廣州城外有一樹大三四圍名慎火樹志曰嶺表人言並無此說益錄書者纂入

謬言非陶氏語也

氣味苦平無毒

別錄曰酸大明曰寒有小毒可煨硃砂

主治大熱火瘡身熱煩邪惡氣

本經 諸蠱毒加花寒

熱風痺諸不足

別錄 療金瘡止血煎水浴小兒去煩

熱驚氣

弘景

風疹惡痒小兒丹毒及發熱

權 熱狂赤

眼頭痛寒熱遊風女人帶下

日華

花主治女人漏下赤白輕身明目

本經



**附方** 舊五 **驚風煩熱** 慎火草煎水浴 小兒中風 汗

中風一日頭項腰熱二日手足不屈用慎火草乾者半兩麻黃丹參白朮二錢半為末每服半錢漿水調服三四歲服一錢 聖濟錄 **嬰孺風疹** 在皮膚不出及瘡毒取慎火苗葉五大兩

和鹽三大兩同研絞汁以熱 **熱毒丹瘡** 千金用慎手摩塗日再上之 圖經 楊氏產乳治烟火丹毒從兩股兩脇起赤如火景

扶之日夜拭一二十徧一入苦酒搗泥塗之○天草真珠末一兩搗 **漆瘡作痒** 按慎火草塗 **眼生** 如泥塗之乾則易 花醫 澀痛難開景天搗汁 產後陰脫 慎火草一斤 日點三五次 聖惠 陰乾酒五升

**佛甲草** 宋圖經

**集解** 頌曰佛甲草生筠州多附石向陽而生似馬齒莧而細小且長有花黃色不結實四季皆

有時珍曰二月生苗成叢高四五寸晚莖細葉柔澤如馬齒莧尖長而小夏開黃花經霜則枯人多栽于石山瓦墻上呼為佛指甲救荒本草言高一二尺葉甚大者乃景天非此也

**氣味甘寒微毒主治湯火灼瘡研貼之** 頌

**虎耳草** 綱目

**釋名** 石荷葉 見

**集解** 時珍曰虎耳生陰濕處亦栽于石山上莖高五六寸有細毛一莖一葉如荷蓋狀人呼為石荷葉葉大如錢狀似初生小葵葉及虎之耳形夏開小花淡紅色

**氣味微苦辛寒有小毒** 獨孤酒曰 汁煮砂子



〔主治〕瘟疫播酒服生用吐利人熟用則止吐利又  
治聾耳擣汁滴之痔瘡腫痛者陰乾燒烟桶中熏  
之時

石胡荽 四聲本草

校正 自萊部移入此

〔釋名〕天胡荽 綱目野園荽 同 鶯不食草 食雞腸草 詳見

名下

〔集解〕時珍曰石胡荽生石縫及陰濕處小草也高  
二二三寸冬月生苗細莖小葉形狀宛如嫩胡

荽其氣辛薰不堪食鶯亦不食之夏開細花黃色  
結細子極易繁衍僻地則鋪滿也案孫思邈千金  
方云一種小草生近水渠中濕處狀類胡荽名天  
胡荽亦名雞腸草即此草也與繁縷之雞腸名同

異物

氣味辛寒無毒 時珍曰辛溫汁 制砒石雄黃

〔主治〕通鼻氣利九竅吐風痰 去目翳按塞鼻中

腎膜自落 藏器療痔病 誥 解毒明目散目赤腫雲翳

耳聾頭痛腦酸治痰瘡齁鼻窒不通塞鼻瘻自

落又散瘡腫 時珍

〔發明〕時珍曰鶯不食草氣溫而升味辛而散陽也  
能通于天頭與肺皆天也故能上達頭腦而

治頂痛日病通鼻氣而落瘻肉內達肺經而治齁  
齁痰瘻散瘡腫其除腎之功尤顯神妙人謂陳藏  
器本草惟務廣博鄙俚之言也若此藥之類表出  
殊功可謂務博已乎案倪惟德原機略微集云治

本草綱目卷之二十三

時珍曰



目醫噤鼻碧雲散用鷺不食草解毒為君青黛去  
熱為佐川芎之辛破留除邪為使升透之藥也大  
抵如開鍋蓋法常欲邪毒不閉令有出路然力小  
而銳宜常噤以聚其力凡目中諸病皆可用之生  
授更神王璽集要詩云赤眼之餘醫忽生草中鷺  
不食為名塞于鼻內頻頻換三日之間復舊明

**附方** **新寒痰齁喘** 野園葵研汁和酒 噤鼻去翳 雲  
散治目赤腫脹蓋明昏暗隱澀疼痛眵泪風痒鼻  
塞頭痛腦酸外醫板睛諸病鷺不食草晒乾二錢  
青黛川芎各一錢為細末噙水一口每以米許噤  
入鼻內泪出為度一方去青黛 倪氏啓微集

**貼目取翳** 鷺不食草擣汁熬膏一兩爐甘石火煨  
熊膽二錢極細少許為極細末和作膏貼在翳上  
一夜取下用黃連黃檗煎湯洗淨看如有再貼  
係天仁 **塞耳治翳** 詩見 **牙疼噤鼻** 鷺不食草綿裹  
津効方 發明

一口隨左右噤之 **一切腫毒** 野園葵一把穿山甲  
亦可授塞 聖濟 燒存性七分當歸尾  
三錢搗爛入酒一盞絞汁 **溼毒脛瘡** 磚縫中生  
服以渣傳之 集簡方 野園葵夏月  
采取晒收為末每以五錢汞粉五分桐油調作隔  
紙膏周圍縫定以茶洗淨縛上膏藥黃水出五六  
日愈此吳竹卿 **脾寒瘧疾** 石胡荽一把杵汁半盞  
方也 簡便方 入酒半盞和服甚効

集簡 **痔瘡腫痛** 石胡荽擣貼  
方 同上

**螺曆草** 拾遺

**釋名鏡面草** 時珍曰皆象形也

**集解** 藏器曰蔓生石上葉狀似螺曆微帶赤色而光如鏡背有少毛小草也

**氣味辛主治** 癰腫風疹脚氣腫擣爛傳之亦煮湯



洗腫處藏器治小便出血吐血衄血齒痛時珍

**發明**時珍曰案陳日華經驗方云年二十六忽病

則甚市醫張康以草藥汁一器入少蜜

**附方**新吐血衄血服朱氏集驗方牙齒蟲痛乾

生意用鏡面草不拘多少以水缸下泥同搗成膏

入香油二三點研勻貼于疼處腮上○楊氏家藏

方用鏡面草半握入麻油二點盪半捻按碎左疼

塞右耳右疼塞左耳以薄泥餅貼耳門閉其氣仍

仄卧泥耳一二時去泥取草放水巾看有虫浮出

久者黑次者褐新者白須于午前用之徐克安一

乳婢苦此不能食小兒頭瘡鏡面草日乾為末和

用之出數虫而安楊氏家藏方手指腫毒又指惡瘡消毒止痛鏡面

家藏方蛇纏毒神方

**惡瘡**鏡面草入盪解鼠莽毒鏡面草自然汁清

三五次以肉粥補之不可遲張杲醫說

酢漿草唐本校正併入圖經

釋名酸漿綱目三角酸綱目酸母綱目醋母蘇恭

酸箕李當鳩酸蘇恭雀兒酸綱目雀林草綱目小酸茅蘇恭

赤孫施圖經時珍曰此小草三葉酸也其味如醋

以此草之方收入彼下誤矣閩人鄭樵通志言福

人謂之孫施則蘇頌圖經赤孫施生福州葉如浮

洋者即此也孫施亦酸箕之訛耳今併為一

**集解**恭曰酢漿生道旁陰濕處叢生莖頭有三葉

本草綱目卷之三  
四百四十三



本草綱目卷之十一  
萍兩葉并大葉同枝黃花黑實頌曰南中下濕地  
及人家園圃中多有之北地亦或有生者初生嫩  
時小兒喜食之南人用指輪石器令白如銀時珍  
曰苗高一二寸叢生布地極易繁衍一枝三葉一  
葉兩片至晚自合帖整整如一四月開小黃花結  
小角長一二分內有細子冬亦不凋方士采制砂  
汞腦礬  
砒石

氣味酸寒無毒主治殺諸小蟲惡瘡癩瘦搗傳之

食之解熱渴唐本主小便諸淋赤白帶下同地錢地

龍治沙石淋煎湯洗痔痛脫肛甚效搗塗湯火蛇

蠍傷時珍赤孫施治婦人血結用一搦洗煖酒服之

蘇頌

附方舊一小便血淋酸草搗汁煎五苓散服之俗

選方諸淋赤痛三葉酸漿草洗研取自然汁一合酒

靈苑二便不通酸草一大把車前草一握搗汁入

摘玄赤白帶下三葉酸草陰乾為末空心痔瘡出

血崔林草一大握水二升煮一升癬瘡作痒崔兒

酸母草擦之數蛇虺螫傷醋草搗傳牙齒腫痛

次愈宋類方蛇虺螫傷崔氏方牙齒腫痛漿

節齋  
醫論

附錄酸草別錄有名未用曰主輕身延年生名山

體泉上陰厓莖有五葉青澤根赤黃可



以消玉一名醜草弘景曰李當之云是今三葉別  
酸箕草布地生者處處有之然恐非也  
有名未用曰味辛主寒熱蛇蜂螫人生田中莖小  
黑白高三尺根黑三月采陰乾一名三石一名當  
田一名  
走魚

地錦 宋嘉祐

校正 併入有名未用別錄地朕

釋名地朕 吳普地禁 遺拾夜光 吳普承夜 吳普草血竭 綱目血

見愁 綱目血風草 綱目馬蝗草 綱目雀兒卧單 綱目醬瓣草

王翊猴頭草 別錄曰地朕三月采之藏器曰地朕  
一名地錦一名地禁蔓延着地禁光

淨露下有光時珍曰赤莖布地故曰地錦專治血  
病故俗稱為血竭血見愁馬蝗雀兒喜聚之故有

馬蝗雀兒單之名醬瓣  
翊猴頭象花葉形也

集解

禹錫曰地錦草生近道田野出滁州者尤良  
莖葉細弱蔓延于地莖赤葉青紫色夏中茂

盛六月開紅花結細實取苗于用之絡石註有地  
錦是藤蔓之類與此同名異物時珍曰田野寺院

及階砌間皆有之小草也就地而生赤莖黃花黑  
實狀如蒺藜之朵斷莖有汁方士秋月采煮雌雄

丹砂 疏黃

氣味辛平無毒 別錄曰地朕 主治地朕主心氣女

子陰疝血結別錄地錦通流血脉亦可治氣 嘉祐主癰

腫惡瘡金刃撲損出血血痢下血崩中能散血止

血利小便 時珍

附方 舊一新 臟毒赤白 地錦草洗暴乾為末米飲  
服一錢立止 經驗方



**血痢不止**

地錦草晒研每服二錢空

**大腸瀉血**

見血

愁少許薑汁和搗米飲服

**婦人血崩**

草血竭嫩者蒸熟以油盪

之戴原禮證治要訣

薑庵食之飲酒一二盃送下或陰乾為末薑酒調服一二錢一服即止生干磚縫井砌間少在地上

**也危亦小便血淋**

血風草并水搗服三度

**出血**

不止血見愁草研爛

**惡瘡見血**

方同

**骨**

草血竭搗罨之自

**癰腫背瘡**

血見愁一兩酸漿草半兩焙當歸二

錢半焙乳香沒藥各一錢二分半為末每服七錢熱酒調下如有生者搗酒熱服以渣傳之亦效血

見愁惟雄瘡用之雌瘡

**風瘡疥癩**

血見愁草同滿

不用楊清叟外科方

**脾勞黃**

乾坤秘韞

**痘**

如聖丸用草血竭羊躑躅各一兩

草五錢為末先以陳醋一盞入鍋下皂礬四兩煎熬良久下藥末再入白礬不拘多少和成一塊

丸如小豆大每服二五十九粒空腹醋湯下一日二服數日向色復舊也乾坤秘韞

**附錄金瘡小草**

拾遺藏器曰味甘平無毒主金瘡

亦煮汁服斷血瘰及卒下血又預和石灰杵為丸

日乾臨時刮傳之生江南村落田野間下濕地高一二寸許如薺而葉短春夏

**離馬草**

拾遺

**集解**

藏器曰生人家階庭濕處高三二寸苗葉似幕罨江東有之北土無也

**氣味辛寒有小毒主治瘰癧丹毒小兒無辜寒熱**



大腹痞滿痰飲膈上熱生研汁服一合當吐出宿

物去瘡為上藏器

仙人草拾遺

**集解**藏器曰生階庭間高二三寸葉細有雁齒似離鬲草北地不生

**氣味**缺 **主治**小兒酢瘡頭小而硬者煮湯浴并搗

傳丹毒入腹者必危可飲冷藥及用此洗之又按

汁滴目明目去翳藏器

仙人掌草宋圖經

**集解**頌曰生合州筠州多于石上附壁而生如人掌形故以名之葉細而長春生至冬猶有四

時采之

**氣味**苦瀉寒無毒**主治**腸痔瀉血與甘草浸酒服

蘇頌焙末油調搽小兒白禿瘡時珍

崖櫻宋圖經

**集解**頌曰生施州石崖上苗高一尺以來其狀如櫻四季有葉無花土人采根去粗皮入藥

**氣味**甘辛溫無毒**主治**婦人血氣并五勞七傷以

根同半天回雞翁藤野蘭根四味洗焙為末每服

一二錢溫酒下丈夫無所忌婦人忌雞魚溼麪蘇頌

**附錄**雞翁藤頌曰生施州蔓延大木上有葉無花味辛性溫無毒采無時 半天



回頌曰生施州春生苗高一尺以來赤斑色至野

冬苗枯土人夏月米根味苦瀋性温無毒

紫背金盤宋圖

蘭根頌曰生施州叢生高二尺以來四時有葉無

花其根味微苦性温無毒采無時方並見上

集解頌曰生施州苗高一尺以來葉背紫無花土

人采根用時珍曰湖湘水石處皆有之名金

盤藤似醋筒草而葉小背微紫軟莖引蔓似黃絲

白龍鬚綱目

搓之即斷無汁可見方士用以制汞他處少有○

醋筒草葉似木芙蓉而偏莖空而脆

味酸開白花廣人以鹽醋淹食之

氣味辛瀋熱無毒主治婦人血氣痛洗焙研末酒

服半錢孕婦勿服能消胎氣忌雞魚羊血溼麪

蘇頌

集解時珍曰劉松石保壽堂方云白龍鬚生近水

旁有石處寄生搜風樹節乃樹之餘精也細

如椶絲直起無枝葉最難得真者一種乃纏草生

于白線樹根細絲相類但有枝莖稍粗為異誤用

不劫愚案所云二樹名皆隱語無從攷證

氣味缺平無毒主治男子婦人風濕腰腿疼痛左

癱右瘕口目喎斜及產後氣血流散脛骨痛頭目

昏暗腰腿痛不可忍並宜之惟虛勞癱痿不可服

研末每服一錢氣弱者七分無灰酒下密室隨左

右貼牀卧待汗出自乾勿多蓋被三日勿下牀見

風一方得疾淺者用末三錢瓷餅煮酒一壺每日



先服桔梗湯少頃飲酒二盞早一服晚一服

保壽堂方

蔡明

時珍曰保壽方云成化十二年盧玄真道士

盡落三年扶病入山得此方服百日復舊壽至百歲乃卒凡男婦風濕腰腿痛先服小續命湯及滲濕湯后乃服此凡女人產後腰腿腫痛先服四物湯二服次日服此若癱瘓年久痰老氣微者服前藥出汗三日之後則日服龍鬚末一分好酒下隔一日服二分又隔一日服三分又隔一日服四分又隔一日服五分又隔一日復從一分起如前法周而復始至月餘其病漸愈謂之升陽降氣調髓蒸骨追風逐邪排血安神忌房事魚鷺雞羊韭蒜蝦蟹及寒冷動風之物又不可過飲酒及麪食只宜米粥

附方

新諸風癱瘓筋骨不收用白龍鬚根皮一兩

三斤封固煮一炷香埋土中一夜能飲者三五盃不能飲者一盃卧時服服至三五盃見効但知痛者可治 仙皆効方

本草綱目卷之二十終



本草綱目草部目錄第二十一卷

草之十 苔類一十六種

陟釐 別錄

乾苔 食療

升中苔 別錄

船底苔 食療

石藥 拾遺

地衣 日華即仰天皮

垣衣 別錄

屋遊 別錄

昨葉何草 唐本即瓦

松○紫衣附

烏韭 本經百藥草附

土馬駿 嘉祐

卷柏 本經地柏含生草附

玉柏 別錄

石松 拾遺

桑花 日華艾納附

馬勃 別錄

右附方舊三新三十三



草之十一 雜草九種有名未用一百五十三種

雜草 拾遺四種嘉祐二種綱目三種

百草  
樹孔中草  
燕蓐草  
牛齒草  
百草花  
產死婦人家上草  
雞窠草  
井口邊草  
豬窠草

神農本草經

名醫別錄

屈草  
別羈  
離婁草  
黃護草  
益決草  
異草  
莘草  
艸華  
羊實  
陰實  
馬顛  
神護草  
雀醫草  
九熟草  
灌草  
英草  
節華  
桑莖實

馬蓬

兔棗

鹿良

燕齒

犀洛

雀梅

白背

土齒

金莖

赤舉

青雌

白辛

黃林

赤涅

赤赫

紫藍

黃辯

紫給

柴紫

糞藍

巴朱

曠石

文石

路石

石芸

敗石

石劇

盧精

竹付

祕惡

河煎

唐夷

知杖

師絲

區余

王明

良達

并苦

索千

姑活

戈共

船虹

黃白支

白女腸

白扇根

五母麻

艾陸根

疥拍腹

常吏之生

五色符

收赦人者



膝

本草拾遺

兔肝草

土落草

筋子根

無風獨搖草

海藥本草

開寶本草

圖經外類

石遺遙

百兩金

田麻

布里草

小兒群撮石合草

本草綱目

蛇痕草

九里香草

劄耳草

野苒草

鴨脚青

豬藍子

郭公刺

羊屎柴

葉下紅

石見穿

羊茅

阿息兒

鴉鳥漿

吉祥草

斷鐘草

倚待草

盧藥

宜南草

陀得花

建水草

催風使

黃寮郎

地芥草

芥心草

祁質汗

獨脚仙露筋草

九龍草

水銀草

鴛項草

白延草

銅鼓草

織霞草

天仙蓮

天芥菜

蓮箕柴

山枇杷柴

滿江紅

醉醒草

阿兒只

奴哥撒兒

七仙草

鷄脚草

千金鑑

藥王草

百藥祖

刺虎

黃花了

田母草

苦芥子

胡蔓草

荔枝草

透骨草

蛇魚草

環腸草

蠶繭草

牛脂芳

雙頭蓮

佛掌花

碎米菜

三角風

隔山消

墓頭回



本草綱目草部第二十一卷

草之十

苔類一十六種

陟釐 別錄中品

釋名側梨 恭

水苔 開寶

石髮 同

石衣 廣雅

水衣 說文

水綿

綱目 音覃恭曰藥對云河中側梨側梨陟釐聲相近也王子年拾遺記晉武帝賜張華側理紙乃水苔為之後人訛陟釐為側理耳比乃水中粗苔作紙青綠色名苔紙青濤范東陽方云水中石上生者如毛綠色石髮之名以此時珍曰郭璞曰薄水草也一名石髮江東食之案石髮有二生水陸地者為烏非

集解

別錄曰陟釐生江南池澤弘景曰此即南人用作紙者惟合斷下藥用之志曰此即石髮

本草綱目卷之二十一

四

共音



也色類苔而粗澀為異水苔性冷浮水中陟釐性  
温生水中石上宗奭曰陟釐今人乾之治為苔脯  
堪啗青苔亦可作脯食皆利人汴京市中甚多頌  
曰石髮乾之作菜以羹臙啗之尤美苔之類有井  
中苔垣衣昔邪屋遊大抵主療畧同陸龜蒙苔賦  
云高有瓦苔卑有澤葵散巖實者曰石髮補空田  
者曰垣衣在屋曰昔邪在藥曰陟釐是矣澤葵鳧  
葵也雖異類而皆感瓦石之氣而生故推類而云  
耳時珍曰陟釐有水中石上生者蒙茸如髮有水  
汚無石而自生者纏牽如絲綿之狀俗名水綿其  
性味皆同述異記言苔錢謂之澤葵與鳧葵同名  
異物蘇氏指為鳧葵者誤矣苔賦所述猶未詳盡  
蓋苔衣之類有五在水曰陟釐在石曰石濡在瓦  
曰屋遊在墻曰垣末在地曰地衣其蒙翠而長數  
寸者亦有五在石曰鳥韭在屋曰瓦松在  
墻曰土馬駿在山曰卷柏在水曰薄也

氣味甘大温無毒

主治心腹大寒温中消穀强胃氣止洩痢

別錄擣汁

服治天行病心悶

日作脯食止渴疾禁食鹽

參丹毒赤遊

時珍

乾苔

食療

集解藏器曰乾苔海族之流也時珍曰此海苔也

彼人乾之為脯海水鹹故與陟釐不同張華博物志云石髮生海中者長尺餘大小如韭葉以肉糝蒸食極美張勅吳錄云離生海水中正青侶亂髮乃海苔之類也蘇恭以此為水苔者不同水苔不甚鹹

氣味鹹寒無毒

大明曰温弘景曰柔苔寒乾苔熱

少血色瑞曰有飲嫩人不可食主治瘦癯結氣

弘景治痔殺蟲及霍



亂嘔吐不止煮汁服孟心腹煩悶者冷水研如泥

飲之即止藏下一切丹石諸藥毒納木孔中殺蠹

日消茶積瑞燒末吹鼻止衄血湯浸擣傳手背腫

痛時

發明時珍曰洪氏夷堅志云河南一寺僧盡患瘰

疾有洛陽僧共寮每食取苔脯同殮經數月

井中苔及萍藍別錄

集解弘景曰廢井中多生苔萍及磚上間多生襍

氣味甘大寒無毒草萊藍既解毒在井中者尤佳非別一物也

野葛巴豆諸毒別錄療湯火傷灼瘡弘

船底苔食

氣味甘冷無毒

主治鼻洪吐血淋疾同炙甘草豉汁濃煎湯呷之

孟說解天行熱病伏熱頭目不清神志昏塞及諸大

毒以五兩和酥餅末一兩半麩糊元梧子大每温

酒下五十丸時

發明時珍曰案方賢奇効方云水之精氣漬船板

之中感陰陽之氣故服之能分陰陽



附方舊小便五淋船底苔一團雞子大乳石發動

小便淋瀝心神悶亂船底青苔半雞子大煎汁溫服日三四次聖惠方

石蕊拾遺校正併入有名未用別錄石濡

釋名石濡別錄石芥同雲茶綱目蒙頂茶時珍曰其狀如花蕊其味

如茶故名石芥乃茶字之誤

集解藏器曰石蕊生太山石上如花蕊為丸散服之今時無復有比也王隱晉書唐褒入林慮

山食木實餌石蕊遂得長年即此也又曰石濡生石之陰如屋遊垣衣之類得雨即展故名石濡早

春青翠端開四葉山人名石芥時珍曰別錄石濡具其功用不言形狀陳藏器言是屋遊之類復出

石蕊一條功同石濡蓋不知其即一物也此物惟諸高山石上者為良今人謂之蒙頂茶生兗州蒙

山石上乃煙霧熏染日久結成蓋苔衣類也彼春初刮取曝乾饒人謂之雲茶其狀白色輕薄如

花藥其氣香如葷其味甘瀟如名不可煎飲止宜咀嚼及浸湯啜清涼有味唐褒入山餌比以代茗

而已長年之道未必盡緣此物也

氣味甘溫無毒時珍曰甘瀟涼主治石濡明目益精氣令

人不饑渴輕身延年別錄石藥主長年不饑藏器生津

潤咽解熱化痰時珍

地衣草日華校正併入拾遺土部仰天皮

釋名仰天皮拾遺掬天皮綱目

集解大明曰此乃陰濕地被日晒起苔蘚也



氣味苦冷微毒藏器曰平無毒主治卒心痛中惡以人垢

臍為丸服七粒又主馬反花瘡生油調傳大明目

藏器研末新汲水服之治中暑時珍

附錄新身面丹腫如蛇狀者以雨滴階上苔痕水

方雀日夜昏七月七日九月九日取地衣草陰乾

崔知陰上粟瘡取停水濕處乾卷皮為末

垣衣別錄

釋名垣羸別錄天韭別錄鼠韭別錄昔邪別錄

集解別錄曰垣衣生古垣墻陰或屋上三月三日

石上者名昔邪一名烏韭生屋上者名屋遊形

相似為療畧同江南少瀆故陶弘景云方不復用

俗中少見也時珍曰此乃磚墻城垣

上苔衣也生屋瓦上者即為屋遊

氣味酸冷無毒主治黃疸心煩欬逆血氣暴熱在

腸胃暴風口噤金瘡內塞酒漬服之久服補中益

氣長煎肉好顏色別錄擣汁服止衄血燒灰油和傳

湯火傷時珍

屋遊別錄下品

釋名瓦衣綱目瓦苔嘉祐瓦蘚綱目博邪

集解別錄曰屋遊生屋上陰處八月九月采弘景

曰此古瓦屋上苔衣也剥取用之時珍曰其



長數寸者即為瓦松也

氣味甘寒無毒主治浮熱在皮膚往來寒熱利小

腸膀胱氣錄別止消渴才之小兒癩熱時氣煩悶開寶煎

水入盞漱口治熱毒牙齦宣露研末新汲水調服

二錢止鼻衄時珍

發明時珍曰別錄主治之證與本經烏韭文相同蓋一類性氣不甚遼遠也

附方新犬咬舊屋瓦上刮下青苔屑按之即止經驗方

昨葉何草唐本草

釋名瓦松唐本瓦花綱目向天草綱目赤者名鐵腳婆羅

門草綱目天王鐵塔草時珍曰其名殊不可解頌曰瓦松如松子作層攷名

集解恭曰昨葉何草生上黨屋上如蓬初生高尺餘遠望如松栽志曰處處有之生年久瓦屋

上六月七月采苗日乾

氣味酸平無毒時珍曰按庚辛玉冊云向天草即瓦松陰草也生屋瓦上及深山石

縫中莖如漆圓銳葉背有白毛有大毒燒灰淋汁沐髮髮即落誤入目令人瞽擣汁能結草砂伏雌

雄砂木白礬其說與本草無毒及生眉髮之說相反不可不知

主治口中乾痛水敷血痢止血唐本生眉髮膏為要

藥馬志行女子經絡蘇頌大腸下血燒灰水服一錢又

牽諸瘡不斂時珍



**附方** 舊一 **小便沙淋** 瓦松即屋上無根草煎濃湯  
新九 乘熱熏洗小腹約兩時即通

經驗 **通經破血** 舊屋陰處瓦花活者五兩熬膏  
良方 當歸鬚乾漆一兩燒煙盡當門

子二錢為末棗肉和丸梧子大每 **染烏髭髮** 乾瓦  
服七十九紅花湯下 摘玄方

斤半生麻油二斤同煎今焦為末 **頭風白屑** 瓦松  
另以生麻油浸塗甚妙 聖濟錄

燒灰淋汁熱洗不過 **牙齦腫痛** 瓦花白礬等分水  
六七次 聖惠方 煎漱之立效 摘

玄方 **唇裂生瘡** 瓦花生薑入鹽少 **湯火灼傷** 瓦松生  
方 許搗塗 摘玄方 柏葉同

搗傳乾者為 **灸瘡不斂** 瓦松陰乾為末先以槐枝  
末醫方摘要 葱白湯洗後糝之立效

濟生 **惡瘡不斂** 上方同 **風狗咬傷** 瓦松雄黃研貼即  
秘覽 上方同 不發 生生編

**附錄紫衣** 拾遺藏器曰味苦無毒主黃疸暴熱目  
黃沉重下水廕亦止熱痢瘵服之作灰

淋汁沐頭長髮此古木鉤叩  
花也石丸皆有之堪染褐

**烏韭** 本經 下品 **校正** 移入有名未  
用別錄鬼鹽

**釋名** 石髮 唐本 石衣 華口 石苔 唐本 石花 綱目 石馬駿 綱目 鬼

鹽 與麗同弘景曰垣衣亦名烏韭而為療異非此  
種類也時珍曰別錄主療之證與垣衣相同則

其為一類通名烏韭亦無害也但石髮與  
陟釐同名則有水陸之性稍有不同耳

**集解** 別錄曰烏韭生山谷石上又曰鬼鹽生石上  
授之日乾為沐恭曰石苔也又名石髮生巖

石之陰不見日處與卷柏相類藏器曰生大石及  
木間陰處青翠茸茸者似苔而非苔也大明曰此

即石衣也長  
者可四五寸

**氣味甘寒無毒** 大明曰冷有毒 **主治** 皮膚往來寒



熱利小腸膀胱氣本經療黃疸金瘡內寒補中益氣

別錄燒灰沐頭長髮令黑大明

附方新腰脚風冷石花浸酒飲婦人血崩石花細茶焙為

末舊漆碟燒存性各一匙以盞盛酒放鍋內煮一滾乃入藥末露一宿侵晨連藥再煮一滾溫服

董炳避湯火傷灼石苔焙研傳水方

附錄百藥草宋圖經頌曰生河中府秦州劍州根葉無花三月生苗四月長及五六寸許四時采根晒用下乳汁順血脉調氣甚佳時珍曰烏韭是瓦松之生于石上者百藥草是瓦松之生于地下者也

土馬駿宋嘉祐

集解禹錫曰所在背陰古壇垣上有之歲多雨則茂盛或以為垣衣非也垣衣生垣牆之側此生垣牆之上比垣衣更長故謂之馬駿苔之類也

氣味甘酸寒無毒主治骨熱敗煩熱毒壅衄鼻嘉祐

沐髮令長黑通大小便時珍

附方新九竅出血壇頭苔極毒鼻衄不止寸金散

土馬駿二錢半石州黃藥子錢為末二便不通

新水服二錢再服立止衛小土寶鑑

土馬駿水淘淨瓦焙過切每耳上濕瘡土馬駿并中苔等分

服二錢水一盞煎服普濟

為末燈盞內油和少年髮白土馬駿石馬駿五倍子半夏各一兩生薑

塗之聖濟錄二兩胡桃十箇膽礬半兩為末搗作一塊每以絹袋盛一彈子用熱酒入少許浸汁洗髮一月神效



濟錄 聖

卷柏 本經上品

釋名萬歲 別錄長生不死草 綱目豹足 吳普求股 別錄交時

別錄時珍曰卷柏豹足象形也萬歲長生言其耐久也

集解 別錄曰卷柏生常山山谷石間五月七月采

柏屈藏如雞足青黃色用之去下近沙石處禹錫

曰出建康范子計然曰出三輔頌曰今關陝及沂

究諸州亦有之宿根紫色多鬚春生苗似柏葉

而細拳攣如雞足高三五寸無花子多生石上

修治 時珍曰凡用以鹽水煮半日

氣味辛平無毒 別錄曰其溫晉曰神農 主治五臟

邪氣女子陰中寒熱痛癢血閉絕子久服輕身

和顏色 經本 止欬逆治脫肛散淋結頭中風眩痿痺

強陰益精令人好容顏 別錄通月經治尸疰鬼疰腹

痛白邪鬼魅啼泣 甄權鎮心除面疝頭風暖水臟生

用破血炙用止血 大明

附方 新大腸下血 卷柏側柏棕櫚等分燒存性為

存方 仁遠年下血 卷柏地榆焙等分每用一兩水一

附錄地柏 宋圖經頌曰主臟毒下血與黃芪等分

草生蜀中山谷河中府亦有之根黃狀如絲莖細



暴乾用蜀中九月采市多貨之時  
含生草拾遺藏器曰生

珍曰此亦卷柏之生于地上者耳  
如卷柏而大性平無  
毒主婦人難產含之嚙汁即生

玉柏別錄有用

釋名王遂別錄藏器曰舊作王伯乃傳寫之誤

集解別錄曰生石上如松高五六寸紫花用莖葉

養數年不死呼為  
千年柏萬年松

氣味酸温無毒主治輕身益氣止渴別錄

石松拾遺

集解藏器曰生天台山上似松高一二尺山人取根莖用時珍曰此即王柏之長者也名山

之皆有

氣味苦辛温無毒主治久患風痺脚膝疼冷皮膚

不仁氣力衰弱久服去風血風瘙好顏色變白不

老浸酒飲良藏器

桑花日華

釋名桑蘚綱目桑錢

集解大明曰生桑樹上白蘚如地錢花樣乃刮取炒用不是桑椹花也

氣味苦暖無毒主治健脾瀉腸止鼻洪吐血腸風

崩中帶下大明治熱效時珍



附方新大便後血

桑樹上白蘚花水煎服或末服亦止吐血 聖惠方

附錄艾納

時珍曰艾納生老松樹上綠苔衣也一名松衣和合諸香燒之烟清而聚不散

別有艾納香與此不同又嶺南海島中檳榔木上有苔如松之艾納單蕪極臭用合泥香則能發香如甲香也 霏雪錄云金華山中多樹衣僧家以為蔬味極美

馬勃

別錄下品

釋名馬疔

音馬氣 疔音氣

灰菰

綱目牛屎菰

集解

別錄曰馬勃生園中久滿處弘景曰俗呼馬是也紫色虛軟狀如狗肝彈之粉出宗

亦如升杓 韓退之所謂牛溲馬勃俱收並畜者是 濟治時珍曰凡用以生布張開將馬勃於上摩擦下以盤承取末用

氣味辛平無毒主治惡瘡馬疥

別錄傳諸瘡甚良 景

去膜以蜜拌揉少以水調呷治喉痺咽疼

宗 奠 清肺

散血解熱毒

時珍

發明

時珍曰馬勃輕虛上焦肺經藥也故能清肺熱欬嗽喉痺衄血失音諸病李東垣治大頭

病咽癢不利普濟消毒毒飲亦用之

附方新咽喉腫痛

噉物不得馬勃一分蛇退皮一條燒末綿裹一錢含噉立瘥

聖惠

走馬喉痺

馬屁勃即灰菰焰硝一兩為末每方吹一字吐涎血即愈 經驗良方

聲失不出

馬氣勃馬牙硝等分研末沙糖和丸茨子大噉之 摘玄方

久嗽不

止

馬勃為末蜜丸梧子每服二十九丸白湯下即愈 普濟方

魚骨哽咽

馬勃末蜜丸彈



子大噙嚙聖濟錄積熱吐血馬屎包為末沙糖丸如彈子

方妊娠吐血服半錢聖惠方斑瘡入眼馬屎

皮各五錢皂角于十四箇為末入罐內鹽泥固濟燒存性研每溫酒服一錢閩孝忠集效方

瘡不斂葱鹽湯洗淨拭乾以馬屎勃仇遠稗史

草之十一 雜草九種有名未用一百五十三種

時珍曰諸草尾瑣或無從考證不可附屬并本經及別錄有名未用諸草難遺者通彙於此以備考

雜草

百草拾遺藏器曰五月五日采一百種草陰乾燒

又燒灰和井華水作團煨白以醞醋和作餅服下夾之乾即易當抽一身盡痛悶瘡出即止以小便

洗之不過三度愈時珍曰按千金方治洞注下

以五月五日百草灰吹入下竅又治瘰癧已破五

月五日采一切雜草煮汁洗之

百草花拾遺藏器曰主治百病長生神仙亦煮汁

花水漬泥封埋百日煎為丸卒死者納口中即活也剛服藥百餘歲入地肺山

井口邊草拾遺藏器曰小兒夜啼私着席下勿令

燒研水服勿令知即惡母知思邈曰五月五日取井中割生草

酒不飲或飲亦不醉也

樹孔中草綱目時珍曰主小兒腹痛夜

啼暗着戶上即止出聖惠方

產死婦人塚上草拾遺藏器曰小兒醋瘡取之勿

回顧作湯浴之不過三度瘡

燕蓐草宋嘉祐藏器曰即燕窠中草也無毒主眠

中遺尿燒黑研末水進方寸匕亦止嘔噎



時珍曰千金方治丈夫婦人無故尿血用胡燕窠中草燒末酒服半錢七聖惠方消渴飲水燕窠中草燒灰一兩牡蠣煨二兩白羊肺一具切晒研末每新汲水三錢又一切瘡痕不滅用燕蓐草燒灰鷹屎白等分人乳和塗日三五次又浸淫瘡出黃水燒灰傅之

雞窠草 宋嘉祐大明曰小兒夜啼安席下勿令母知藏器曰小兒白禿瘡和白頭翁花燒灰臘月豬脂和傅之以醋泔洗淨時珍曰千金方治產後遺尿燒末酒服一錢又不自秘方治天絲入目燒灰淋汁洗之

豬窠草 大明曰小兒夜啼安席下勿令母知

牛齒草 見獸部牛下

神農本草經 已下有

屈草 本經曰味苦微寒無毒主胃腸下痛邪氣

漢中川澤 五月采

別羈 本經曰味苦微溫無毒主風寒濕痺身重四肢疼酸寒歷節痛別錄曰一名別枝生藍川谷二月八月采弘景曰方家時有用處今亦絕矣

名醫別錄 七十八種

離樓草 別錄曰味鹹平無毒主益氣力多子

神護草 別錄曰生常山北八月采可侍獨守叱咄人寇盜不敢入門時珍曰物類志謂之護

門草 一名靈草彼人以置門上入衣過草必叱之王筠詩云霜被守宮槐風驚護門草即此也而不著其形狀惜哉



本草綱目卷之二十一

黃護草 別錄曰無毒主痺益氣

雀醫草

別錄曰味苦無毒主輕身益氣洗爛瘡療

木甘草

別錄曰主療癰腫盛熱煮洗之生木間三

便生五月花白實核

益决草

別錄曰味辛温無毒主欬

九熟草

別錄曰味甘温無毒主出汗止洩療悶一

歲九熟

兪草

別錄曰味酸平無毒主輕身益氣

異草

別錄曰味甘無毒主痿痺寒熱去黑

灌草

別錄曰一名鼠肝

葩草

別錄曰味辛無毒主

莘草

別錄曰味甘無毒主盛傷痺

英草華

別錄曰味辛平無毒主痺氣強陰療女勞

上一名鹿英

封華

別錄曰味甘有毒主疥瘡

煥華

別錄曰味辛無毒

節華

別錄曰味苦無毒主傷中痿痺益腫皮主脾

月采

暴乾



讓實 別錄曰味酸主喉痺  
止洩痢十月采陰乾

羊實 別錄曰味苦寒主頭禿  
惡瘡疥癩癰生蜀郡

桑葢實 別錄曰味酸温無毒主乳孕餘病輕身益  
氣一名草王葉如荏方葢大葉生園中十

采月

可聚實 別錄曰味甘温無毒主輕身益氣明目一  
名長壽生山野道中穗如麥葉如艾五月

采

滿陰實 別錄曰味酸平無毒主益氣除熱止渴利  
小便長年深山及園中莖如芥葉小實

如櫻桃七月成  
晉曰蔓如瓜

馬顛 別錄曰味苦有毒  
藤浮腫不可多食

馬逢 別錄曰味甘  
無毒主癰疽

兔棗 別錄曰味酸無毒主輕身益氣  
生丹陽陵地高尺許實如棗

鹿良 別錄曰味鹹臭主小兒驚癇  
貴豚痢瘕大人瘕五月采

雞涅 別錄曰味甘平無毒主明目  
水腫邪氣補中止洩痢瘰癧女子白沃一名陰

洛生雞山  
采無時

犀洛 別錄曰味甘無毒主癰  
疾一名星洛一名泥洛

雀梅 別錄曰味酸寒有毒主蝕惡瘡一名干雀  
生海石谷間弘景曰葉與實俱如麥李

燕齒 別錄曰主小兒癩  
寒熱五月五日采

土齒 別錄曰味甘平無毒主輕身益  
氣長年深山陵地中狀如馬牙



金莖 別錄曰味苦平無毒主金瘡內

白背 別錄曰味苦平無毒主寒熱洗惡瘡疥

青雌 別錄曰味苦主惡瘡疥敗瘡火氣殺三

白辛 別錄曰味辛有毒主寒熱一名脫尾

赤舉 別錄曰味苦無毒主腹痛一名羊鈴一名陵

核三月三日

赤涅 別錄曰味甘無毒主疰崩中止血益

赤赫 別錄曰味苦寒有毒主疥瘍惡敗瘡除

黃林 別錄曰味苦無毒主心

黃辯 別錄曰味甘平無毒主心腹

紫給 別錄曰味鹹主毒風頭洩汪一名野葵生

紫藍 別錄曰味鹹無毒主

糞藍 別錄曰味苦主身痒瘡

巴朱 別錄曰味甘無毒主

柴紫 別錄曰味苦主小腹痛利小腹痛積聚長

文石 別錄曰味甘主寒熱心煩一名黍石

路石 別錄曰味苦酸無毒主心腹止汗生肌酒痲

獨乾 日出獨濡花黃莖赤黑三歲一



曠石 別錄曰味甘平無毒主益氣養神除熱止渴生江南如石草

敗石 別錄曰味甘無毒主渴痺

石劇 別錄曰味甘無毒止消渴中

石芸 別錄曰味甘無毒主目痛淋露寒熱溢血一名螿烈一名顛啄三月五月采葶葉陰乾

竹付 別錄曰味甘無毒止痛除血

祕惡 別錄曰味酸無毒主療肝邪氣一名杜逢

盧精 別錄曰味平治毒生益州

唐夷 別錄曰味苦無毒主捺踈折

知枝 別錄曰味耳

河煎 別錄曰味酸主結氣瀰在喉頸者生海中八月九月采

區余 別錄曰味辛無毒主心腹熱瘞

王明 別錄曰味苦主身熱邪氣小兒身熱以浴之生山谷一名王草

師系 別錄曰味甘無毒主癰腫惡瘡煮洗之一名臣堯一名巨骨一名鬼芭生平澤八月采

并苦 別錄曰主效逆上氣益肺氣安五臟一名盛薰一名王荆三月采陰乾○盛音或

索干 別錄曰味苦無毒主易耳一名馬耳

良達 別錄曰主齒痛止渴輕身生山陰莖蔓延大如葵子滑小

戈共 別錄曰味苦寒無毒主驚氣傷寒腹痛羸瘦皮中有邪氣手足寒無色生益州山谷惡莖

臙



本藥錄曰

船虹別錄曰味酸無毒主下氣止煩渴

姑沾

別錄曰味甘溫無毒主大風邪氣濕痺寒痛

景曰藥無用者乃有固活丸別本一名雞精

白文腸

別錄曰味辛溫無毒主洩痢腸辟療心痛

白扇根

別錄曰味苦寒無毒主瘡

黃白支

別錄曰生山陵三月四月木根暴乾

父陸根

別錄曰味辛有毒以熨癰腫

赤拍腹

別錄曰味辛溫無毒主

五母麻

別錄曰味苦有毒主痿痺不便下痢一名

田野五月采時珍曰荒蔚之白花者亦名天麻草

五色符

別錄曰味苦微溫主欬逆五臟邪氣調中

各隨色補其臟白符一名女木生巴山谷

救救人者

別錄曰味甘有毒主痲痺通氣諸不

常吏之生

蜀本吏作更別錄曰味苦平無

載

別錄曰味酸無

慶

別錄曰味苦

裸

音戶瓦切別錄曰味甘無毒主益

芥

別錄曰味苦寒無毒主消渴止血

本草綱目卷之三

三七

七



本草拾遺 一十三種

鴉鳥漿 藏器曰生江南林木下高一二尺葉陰紫色冬不凋有赤子如珠味甘温無毒能解

諸毒故名山人浸酒服主風血羸老頌曰鴉鳥威生信州山野中春生青葉九月有花如蓬蒿菜花

淡黄色不結實實療癰腫瘡毒采無時

吉祥草 藏器曰生西國胡人將來也味甘温無毒主明目強記補心力時珍曰今人種一種

草葉如漳蘭四時青翠夏開紫花成穗易繁亦名吉祥草非此吉祥也

雞脚草 藏器曰生澤畔赤莖對葉如百合苗味苦平無毒主赤白久痢成疳

兔肝草 藏器曰初生細葉軟似兔肝一名雞肝味甘平無毒主金瘡止血生肉解丹石發熱

斷罐草 藏器曰主丁瘡合白牙莖菜半夏地骨皮青苔蜂窠小兒髮辮帛等分五月五日燒

灰每湯服一錢拔根也  
○莖音畜羊蹄根也

千金鏢 藏器曰生江南高二三尺主蛇蠍虫咬毒搗傳瘡上生肌止痛

土落草 藏器曰生嶺南山谷葉細長味甘温無毒主腹冷氣痛痰癖酒煎服亦搗汁温服

倚待草 藏器曰生桂州如安山谷葉圓高二三尺八日米味甘温無毒生血氣虛勞腰膝疼

弱風緩羸瘦無顏色絕傷無子婦人老血浸酒服逐病極速故名倚待

藥王草 藏器曰苗莖青色摘之有汁味甘平無毒解一切毒止鼻衄吐血祛煩躁

筋子根 藏器曰生四明山苗高尺餘葉圓厚光潤冬不凋根大如指亦名根子味甘温無毒

主心腹痛不問冷熱遠近惡鬼氣注刺痛霍亂盡毒暴下血酒飲磨服頌曰根子生威州山中味苦

辛温主心中結塊久積氣攻臍下痛



盧藥

藏器曰生胡國似乾茅黃赤色味鹹温無毒

主折傷内損瘀血生膚止痛治五臟除邪氣

補虛損產後血病水煮服之亦搗傳傷處時珍曰

無風獨搖草

拾遺珣曰生大秦國及嶺南五月五日采諸山野亦往往有之頭若彈子

尾若鳥尾兩片開合見人自動故曰獨搖性温平

無毒主頭骨遊風遍身癢煮汁淋洗藏器曰帶之

令夫相愛時珍曰羗活天麻鬼曰藤御四者皆名

無風獨搖草而物不同也段成式酉陽雜俎言雅

州出舞草三葉如决明一葉在莖端兩葉居莖之

唐海藥本草

一種

宜南草

珣曰生廣南山谷有莢長二尺許内有薄

片似紙大小如蟬翼主邪小男女以緋絹

宋開寶本草

一種

陀得花

志曰味甘温無毒主一切風血浸酒服生

西國胡人將來胡人采此花以釀酒呼為

宋圖經外類

二十種

建水草

頌曰生福州枝葉似桑四時常有土人

百藥祖

頌曰生天台山中冬夏常

青土人采葉治風有効



催風使頌曰生天台山中冬夏常青土人采葉治風有效時珍曰五加皮亦名催風使

刺虎頌曰生睦州凌冬不凋采根葉枝入藥味甘主一切腫痛風疾剉焙為末酒服一錢時珍

曰壽域方治丹癰用虎刺即壽星草搗汁塗之又伏牛花一名隔虎刺

石逍遙頌曰生常州冬夏常有無花實味苦微寒無毒主癰瘰諸風手足不遂為末煉蜜丸

梧子大酒服二十九日二服百日瘥久服益氣輕身初服時微有頭痛無害

黃寮郎頌曰生天台山中冬夏常青土人采根治風有效時珍曰按醫學正傳云黃寮郎俗

名倒摘刺治喉痛用根搗汁入少酒滴之即愈又醫學集成云牙痛者取倒摘刺刀上燒之取煙煤

綿蘸塞痛處即止

黃花了頌曰生信州春生青葉三月開花似辣菜花黃色秋中結實采無時治咽喉口齒病

効

百兩金頌曰生戎州河中府雲安軍苗高二三尺有幹如木凌冬不凋葉似荔枝初生背面

俱青秋後背紫面青初秋開花青碧色結實如豆大生青熟赤無時采根去心用味苦性平無毒治

壅熱咽喉腫痛含一寸蘸汁某河中出者根赤如蔓菁莖細青色四月開碎黃花似星宿花五月采

根長及一寸晒乾用治風涎

地茄子頌曰生商州三月開花結子五六月采陰乾味微辛温有小毒主中風痰涎麻痺下

熱毒氣破堅積利膈消癰腫瘡癤散血墮胎

田母草頌曰生臨江軍無花實三月采根性涼主煩熱及小兒風熱尤效

田麻頌曰生信州田野及溝澗旁春夏生青葉八月中生小莢冬月采葉治癰瘡腫毒



芥心草

頌曰生淄州引蔓白色根黃色四月采苗葉搗末治瘡疥甚效

苦芥子

頌曰生秦州苗長一尺餘莖青葉如柳開白花似榆葉其子黑色味苦大寒無毒明目治血

風煩躁

布里草

頌曰生南恩州原野中莖高三四尺葉似李而大至夏不花而實食之瀉人采根皮

焙為末味甘寒有小毒治瘡疥殺蟲

茆質汗

頌曰生信州葉青花白七月采根治風腫行血有效

胡堇草

頌曰生密州東武山田中枝葉似小堇菜花紫色似翹軛花一枝七葉花出兩三莖

春采苗味辛滑無毒主五臟營衛肌肉皮中加血止痛散血搗汁塗金瘡凡打撲損傷筋骨惡癰腫用同松枝乳香亂髮灰花桑柴炭同搗丸彈子大每酒服一九其痛立止

小兒群

頌曰生施州叢高一尺以來春夏生苗即莢花根焙乾等分為末每酒服一錢治淋疾無忌

獨脚仙

頌曰生福州山林旁陰泉處多有之春生連根葉采焙為末酒煎半錢服治婦人血塊

濕石合草

頌曰生眉州平田中莖高二尺以來葉似穀葉十二月萌芽二月有花不結實

其苗味甘無毒療金瘡

露筋草

頌曰生施州株高三尺以來春生苗隨即開花結子碧綠色四時不凋其根味辛齋

性涼無毒玉蜘蛛蜈蚣傷焙研以白礬水調貼之

本草綱目 三十八種

本草綱目草部

卷之五

四百十一



九龍草

時珍曰生平澤生紅子狀如楊梅其苗解諸毒治喉痛搗汁灌之折傷骨筋者搗卷患處既腫傷者搗汁入雄黃二錢服其痛立止又楊清叟外科云喉風重舌牙關緊閉者取九龍草一名金釵草單枝上者為妙只用根不用皮打碎綿裹筋上擦牙關即開乃種深喉中取出痰涎乃以火炙熱帶

荔枝草

時珍曰衛生易簡方治蛇咬犬傷及破傷風取草一握約三兩以酒二盞煎一盞服

取汗出效

水銀草

時珍曰衛生易簡方治眼昏每服三錢入木賊少許水一錢煎八分服

透骨草

時珍曰治筋骨一切風濕疼痛攣縮寒濕脚氣孫氏集効方治癘風遍身瘡癬用透骨草苦參大黃雄黃各五錢研末煎湯于密室中席圍先熏至汗出如雨淋洗之普濟方治反胃

吐食透骨草獨科蒼耳生牡蠣各一錢薑三片煎服楊誠經驗方治一切腫毒初起用透骨草泥

蘆防風地榆等分煎湯綿蘸乘熱不住滷之二三日即消

蛇眼草

時珍曰生古井及年久陰下處形如淡竹葉背後皆是紅圈如蛇眼狀唐瑤經驗方治蛇咬搗爛傳患處

鷺頂草

時珍曰臞仙壽域方治咽喉生瘡取花同白芷椒根皮研末吹瘡口即效

蛇魚草

時珍曰戴原禮證治要訣云治金瘡血出不止搗傳之

九里香草

時珍曰傳滋醫學集成治肚癰搗碎浸酒服

白筵草

時珍曰香草也蟲最畏之孫真人千金方治諸蟲瘡疥癩取根葉煎水隔日一洗

環腸草

時珍曰張子和儒門事親方治蟲脹晒乾煎水日服以小便利為度



割耳草

時珍曰王執中資生經治氣壅方中用之

耳環草

時珍曰危亦林得効方治五痔接軟納患處即効一名碧蟬兒花

銅鼓草

時珍曰范成大虞衡志云出廣西其實如瓜治瘍毒

蠶繭草

時珍曰摘玄方治腫脹用半斤同冬瓜皮半斤紫蘇根葉半斤生薑皮三兩煎湯熏

洗暖卧取汗洗三次小便清長自然脹退

野苒草

時珍曰摘玄方治痞滿用五斤以一半安烏盆內置雞子十箇在草上以草一半蓋

之米醋浸二宿雞子殼軟乃取于飯上蒸熟頓食之塊漸消也經驗

織霞草

時珍曰陳巽經驗方元臟虛冷氣攻臍腹痛用礞砂一兩生烏頭去皮二兩織霞草

二兩為末以小沙罐固濟慢火燒赤以此草拌入內不蓋口頂火一秤煨之爐冷取出同烏頭末

蒸餅丸梧子大每服三丸醋湯下

牛脂芳

時珍曰經驗良方治七孔出血為楫末每服一勻瓦器煎服以紗合頭項并紫小指

根

鴨脚青

時珍曰普濟方治疔瘡如連珠者同煎蘇研爛糖水拌刷之

天仙蓮

時珍曰衛生易簡方治惡毒瘡癬搗葉傳之

雙頭蓮

時珍曰一名催生草主婦人產難左手把之即生又主腫脹利小便衛生易簡方治

大人小兒牙疳搗爛貼之

豬藍子

時珍曰衛生易簡方治耳內有膿石通耳用子為末筒吹入不過二三次愈

天芥菜

時珍曰生平野小葉如芥狀味苦一名雞病粘主蛇傷同全沸草入盞搗傳之王爾



醫林集要治腋下生腫毒以鹽醋同搗傳之  
散腫止痛膿已成者亦安亦治一切腫毒

**佛掌花** 時珍曰普濟方治疔瘡如櫻桃者用根  
同生薑蜜研汁服之外以天茄葉貼之

**郭公刺** 時珍曰一名光骨刺取葉搗細油調傳天  
泡瘡虞搏醫學正傳治哮喘取根剉水煎

服即止

**邊箕柴** 時珍曰生山中王末輔惠濟方治癩瘡取  
皮煎湯服須臾痒不可忍以手爬破出毒

氣即愈

**碎米柴** 時珍曰主癰疽發  
背取藥入傳藥用

**羊屎柴** 時珍曰一名牛屎柴生山野葉類鶴虱四  
片開白花亦有紅花者結子如羊屎狀名

鐵草子根可毒魚夏用苗葉冬用根主癰疽發皆  
搗爛傳之能合瘡口散膿血乾者為末漿水調傳

又治下血如傾水取  
白酒二斗煮一斗空心隨量飲

**山枇杷柴** 時珍曰危亦林得効方治湯  
火傷取皮焙研末蜜調傳之

**三角風** 時珍曰一名三角尖取石上者尤  
良主風濕流注疼痛及癰疽腫毒

**葉下紅** 時珍曰主飛絲入目腫痛同益少許絹  
包滴汁入目仍以塞鼻左塞右右塞左

**滿江紅** 時珍曰主癰  
疔入膏用

**隔山消** 時珍曰出太赤山白色主腹脹積滯孫天  
仁集効方治氣隔噎食轉食用隔山消二

兩雞肫皮一兩牛膽南星朱砂各一兩急性子  
二錢為末煉蜜丸小豆大每服一錢淡薑湯下

**石見穿** 時珍曰主骨  
痛大風癰腫

**醉醒草** 時珍曰天寶遺事玄宗于興慶池邊植之叢  
生葉紫而心殷醉客摘草嗅之立醒故名



墓頭回

時珍曰董炳集驗方治崩中赤白帶下用一把酒水各半盞童尿半盞新紅花一捻

煎七分卧時温服目近者一服久則三服愈其効如神一僧用此治蔡大尹內人有効

羊茅

時珍曰羊喜食之故平普濟方治喉痺腫痛搗汁嚥之

阿兒只

時珍曰劉郁西域記云出西域狀如苦參主打撲傷損婦人損胎用豆許嚥之自消

又治馬鼠瘡

阿息兒

時珍曰西域記云出西域狀如地骨皮治婦人產後衣不下又治金瘡膿不出嚼爛

塗之即出

奴哥撒兒

時珍曰西域記云出西域狀如桔梗治金瘡及腸與筋斷者嚼爛傅之自續也

本草綱目卷之二十一 終

